

TIISO EA BONE



Lumelang mantsiboea ana. Re inamisa lihlooho tsa rōna nakoang feela, bakeng sa thapelo.

² Ntata rōna ea Mosa le oa Maholimō, re U atamela hape bosiuang bona, joale, ka Lebitso la Morena Jesu, ho U leboha ka letsatsi le leng. 'Me joale re kopa mahlohonolo a Hao holima tšebeletso bosiuang bona. Lumella Moea o Halalelang ho fihla ho re hlalose tsa lintho tse re li tjantjellang hakana. Oho Molimo, li ke li be bohlokoa hakana hoo bohle re ka kenelang seqoqo sa setsoalle sa Lentsoe hakaale, hona, etlere ha re tloha, re tsebe ho bua, “Na lipelō tsa rōna li ne li sa chese ka ho rōna ha A ntse a buisana le rōna tseleng?” Re U leboha ka seo A bileng sona ho rōna, le ho tšepa A tla hlola le rōna leetong la rōna, hoba re e kopa ka Lebitso la Jesu. Amen.

³ Ke thabo ho khutlela tlung ea Morena hape, bosiuang bona, tšebeletsong hape! 'Me re thabile. Ke thabile haholo ha e le moo. . .

⁴ Feela ke ne ke nahanne hoba Ena e ke ke ea fihla, empa qetellong Ea fihla. 'Me ke leboha haholo, kaha e le ea ho qetella ea bakalli bana ba bane bao ba lipere, etsoe ke nahana e le o mong oa Melaetsa ea sehlooho ho Kereke nakong ena.

⁵ Ha ke tsebe na E 'ngoe ke'ng. Ke mpa ke e nka letsatsi le letsatsi, kamoo A E senolang feela. Ke ntse ke leka ho—ho E hlahisa, ka . . . kamoo A mphang Eona.

⁶ Na le ntse le thabetse e—e mahlohonolo? [Phutheho e re, “Amen.”—Mong.] Na le hlokometse kamoo Eona feela, e ngomelana le mengoaha eo ea kereke, kamoo E nyallanang le eona hantle feela ka phethahalo? Ke kamoo e . . . Ho 'na, e supa e le—e le oona Moea o Halalelang o abileng mengoaha ea kereke, esale oona Moea o Halalelang o abang Sena, ua bona, hobane e nyallana 'moho; ke khato e le 'ngoe ea tonana ea Molimo, ea Itšupang ka mekhoha e fapaneng.

⁷ Lea lemoha, mohla A na a Ipontša Daniele, liponong, ntho e itseng e ne e bapisoa ke ho hong, ho kang e—e pōli nqalong ena, kapa mohlomong sefate; khetlo le latelang ebe seemahale. Le—le—le lintho tseo A li entseng, ho e etsa, ntho e le 'ngoe ka linako tsohle, ho kholisa hore ha re e fose.

⁸ Joale, ke hlile ka tsota nakoana e fetileng, ha ke ntse ke qoqa le leleitinyana le lutseng mona, le ka bang lilemo li mashome a robeli le metso e mehlano. 'Me la . . .

⁹ Hase khale, pele ke fallela bophirima, khele, ho ne ho ena le e—e ngoanana e monyenyanane holimo koana Ohio, ea neng, kea kholoa, a bolaoa ke leukemia mokhahlelong oa

ho qetela. Joale, leukemia ke mofetše o kahara mophula oa mali. 'Me, oh, mothoana oa batho, lea tseba, a le maemong a harolang letsoalo, a sa salloa le ke tšepo ea letho. Ba ntse ba mo fepa lijo ka methapo ea hae, oporeishene. 'Me e le lelapa le futsanehileng haholo. 'Me ba . . .

¹⁰ Mof. Kidd, mona, le Moena Kidd, ba mo joetsa ka Morena ea arabelang thapelo haholo. Eaba ba kopana, kea kholoa, ba hira motho, ba theola ngoanana e monnyenyane eo. 'Me e le ngoanana e motle, nka re, oh, a le lilemo li tšelela, tse supileng. [Khaitsetli e mong o re, "Tse robong."—Mong.] Lilemo tse robong. 'Me—'me a beiloe motšeo ho phaposi mono. 'Me e . . .

¹¹ 'Me eareha ha re itlhahisa pela Morena, Moea o Halalelang oa mo hlaisetsa pu. 'Me ba ne ba tlameha ho mo nka, le ho mo nka le ho mo fepa, lea tseba, ka mokhoa oo. 'Me eitseha a tloha, keha a llela hambega, 'me, ka hona, a eja lijo tsa hae ka molomo. 'Me ba mo fa hambega, 'me a itjella ka tllaoelo feela.

¹² Nakong e khutšoane feela, matsatsi a 'maloa, ba mo khutlisetsa ngakeng. 'Me bao . . . Ngaka e sa utloisise feela. A re, "Ekare ha ho joalo, ebile ekare ha se ngoanana eo." A re, "Hobaneng, ebile ha—ha ho le mohlala o le mong oa leukemia, hohle, ho hang." Ka baka leo, 'me, a eshoa ke hona. Ba se ba mo tetse; ba mo fepa ka methapo ea hae feela. A se a le mosehla. Le tseba kamoo ba fetohang kateng. 'Me ka baka leo bona . . . 'Me joale o khutlela sekolong, o bapala le bana ba bang, o thabile kamoo ho ka etsahalang.

¹³ E nkhopotsa taba e 'ngoe. Tsatsi le leng, ha ke fihla lapeng, ha ba le . . . Haeba ke sa fose, e ne e le Episcopalians kapa batho ba Presbeteriene, ba tlišitse ngoanana ho tsoa Kansas. 'Me lingaka li mo tetse, a tšoeroe ke leukemia. 'Me keha ba 'maletse, kea kholoa, matsatsi a mane ho phela; a se a mpefetse habohloko. Eaba ba sebelisa matsatsi a mane ao ho tla koano, ba tšela melatsoana ea lehloa le lintho, ho parola naha, a tle a rapelloe. Ntatemoholo, monna ea bohehang, ea holileng, ea moriri o moputsoa.

¹⁴ 'Me ba se ba mo bolokile, hape, matsatsi a mabeli, tlase mona ka hara motele. Ke—kea kholoa hoba o sa le teng mono, joale, ke mose o koano oa Silver Creek. Eaba ke theoha bosiu boo ho mo rapella. E ne e le hoseng haholo. Ka kena bosiu boo, ke tsoa ka ntle ho motse, le ho theoha. 'Me ntate ea holileng . . . ntatemoholo a 'na a tsamaea holima fuluru. 'Me, 'mè, a ntse a leka ho hlokomela ngoana.

¹⁵ 'Me eare ha ke khumama ho rapela, Moea o Halalelang oa ntšenoletsa lekunutu lipakeng tsa—tsa 'mè le ntate, seo ba se entseng. Eaba ke ba biletša ka thoko ho ba botsa ka eona. Ba qala ba lla, ha thoe, "Ke 'nete."

¹⁶ Eaba kea hetla, 'me ka bona ngoanana a tlola khathi, a tloha, a bapala. 'Me joale ngoanana e monnyenyane . . . Nakong

ea liveke tse tharō, ba nthomella setšoantšo sa ngoanana, a se a khutletse sekolong, a tlola khathi, a sa tšoaroa ke leukemia, ho hang.

17 Joale, joale, mapaki ao kea nèpahalitsoeng e le 'nete, ua bona. Ka baka leo, Molimo oa rōna o tiile, ua bona. Re mpa re Mo sebeletsa le—le ho Mo lumela. 'Me—'me ke—ke Mo tseba e le oa mannete.

18 Joale, ke leka joale ka bokhoni ba ka, nakong eo ntho, ka hare, hara rōna, E ntseng e itšebetsa. 'Me joale re tla leka, bosiueng bona, ka mohau oa Molimo, ho nka Tiiso ena ea Bone, le ho bona seo Moea o Halalalang a tla re bolella sona, kahara Eona.

19 Joale ke tlil'o bala e—e Tšenolo, khaolo ea 6, le ho qala ka temana ea 7; ea 7 le ea 8. Ka mehla ke litemana tse peli; ea pele ke tsebiso, 'me temana ea bobeli ke seo a se boneng.

Hobane e manolle tiiso ea bone, ka utloa lentsoe la sebopuoa se phelang sa bone—bone le re, Tloo u bone.

Eaba kea talima, ka bona pere e tšehla: 'me ea e kaletseng (ea kaletseng) lebitso la hae e le Lefu, . . . latetsoe ke Lihele. A fuoa matla holima likarolo tse 'ne tsa lefatše, ho bolaea batho ka lona lerumo, le ka tlala, le ka lefu, le . . . libatana tsa lefatše.

20 Joale, Morena a re thuse joale ho utloisisa taba Ena. Ke sephiri.

21 Joale bakeng sa ponelopele e nyenyane feela, ho tšehetsa, joaloka ha re sebelitse mengoaha ea kereke, bakalli bana le pulo ea Litiiso tsena. Joale, re e kenya kelellong ea rōna, re bua nakoana ho fihlela re utloa e le nako e loketseng ho bua.

22 Joale, re lemhile joale, hore, pulo ea Litiiso, ke Buka ea Topollo e tiisitsoeng. 'Me Buka e rotsoe e tšoana le sekorolo, ka tloaelo ea mehla ea khale.

23 [Moena Braham o tšoantša ho roloa le ho tiisoa ha sekorolo, a sebelisa mahlaku a pampiri—Mong.] E ne e se buka ea mokhalo *oona*; hobane ena e sa tsoa fihla, libuka tsa mofuta oona, ho tsa ho qetela, oh, kea kholoa lilemo tse lekholo le mashome a mahlano, kapa ho hong, makholo a mabeli. 'Me ba ntano e rola, ebe ba leketlisa ntlha ea eona. Ke ile ka le bolella kamoo ba e sebelitseng, le Mangolo, moo e ka fumanoang teng, le ho Jeremia, le joalo-joalo. Ebe se hlahlamang sea menoa, ho ntano lepeletsoa ntlha, ka mokhoa oo.

24 'Me e 'ngoe le e 'ngoe e ne e le Tiiso. 'Me e le Buka e tiisitsoeng hasupa, 'me e ne e le e . . . Ho se e mong . . . Mohla ba neng ba . . . E ne e le Buka ea Topollo e tiisitsoeng hasupa. Le ntšoarele.

25 'Me, hape, ho ne ho se e mong Leholimōng kapa lefatšeng, kapa ka tlase ho lefatše, ea nang le tokelo ea ho E phetla kapa esita le ho E talima. 'Me Johanne a lla, kahobane a sa fumana e mong. . . Hobane, holane Buka eo e sa nkoa letsohong

la Rathepa oa mantlha. . . Moo, esale E lahloa ke Adama le Eva, eaba e a khutla, kahobane ba nyahlalitse litokelo tsa bona tsa Lentsoe, litšepiso, lefa la bona.

²⁶ Bao, le hopole, ba laola lefatše. E ne e le—e ne e le molimo o monyenyane, kaha e ne e le mora oa Molimo. 'Me mora oa Molimo ke e—e—ke molimo o monyenyane. Joale, ha e khahlano le le Lengolo. Kea tseba e utloahala e makatsa.

²⁷ Empa Jesu o itse, "Efèla ha le bitsa bao, bona bao Lentsoe la Molimo le ba fihletseng. . ." 'Me Lentsoe la Molimo fihlela'ng? [Phutheho e re, "Baporofeta."—Mong.] Baporofeta. "Efèla ha le ba bitsitse, bao Lentsoe la Molimo le ba fihletseng, 'melimo,' le Nqosa ka'ng ha Ke re Ke Mora Molimo?" Ua bona?

'Me, joale, e ne e le melimo.

²⁸ 'Me monna, ha u tsoalloa lebitsong la leloko henō, u mora, le karolo ea ntatao.

²⁹ 'Me eaba—eaba mohla sebe se kenang, re fihlela motho a tšetse khohlo. 'Me—'me mali a lipoho le lipōli, a khurumetsa, a mpa a sa tšoarele. Ho fihlela, Bolichi ho fihla ba mannete, bona bo tsebang ho pshatla sekoli likotoana ka botlalo, ho e khutlisetsa morao ho mokhapamisi oa sethatong, eëna e ne e le Satane.

³⁰ Mohla se ne se khutlela ho Satane, o emetse nako ea hae ho timetsoa ka Bosafeleng. Joale, taba eo e supa seo se re se lumelang. Rea lumela hobane o tla felisoa ka botlalo le ho timeletsoa.

³¹ 'Me ke lumela hoba sebe seo se tla pshatluoa. 'Me haeba se boletsoe, holima motheo oa Mali a Jesu Kreste, ho joaloka ho rothetsa lerotholi la enke e ntšo kahara bolichi bo bongata ba Clorox. Bo e pshatla bo e fetola likhemik'hale, bo e khutlisetsa motšeo koana moo e tsoang teng. Ua bona? 'Me le Mali a Jesu Kreste a sebetsa joalo.

³² Hape, hoo ho tšelisetsa motho mose ho khohlo hape, joaloka mora oa Molimo. Ua bona? 'Me hape o—'me hape o fetoha e—e. . . Khele, ekasita a. . . Matla a bopang a Molimo a ahile ka ho eëna. 'Me, bonnyane, nako le nako ha Molimo o e laela ho etsoa, e tla etsoa. 'Me rea khutla. Hore etlere ha—ha. . .

³³ Moshe, tlasa mali a lipoho; mohla a kopaneng le Leseli leo, Topallo ea Mollo sehlahleng se tukang seo. 'Me eaba o ema, tlase mono, tlasa thomo ea Molimo. 'Me e ne e le moporofeta. Eitse hobane Lentsoe la Morena le mo fihlele, a bua, 'me esitile lintho li bopiloe ka Lentsoe. Ua bona?

³⁴ Joale, efèla ha e sebelitse joalo tlasa hoo, mali a lipoho, ho ka thoeng ka Mali a Jesu? Ha se ho khurumetsa; empa e le ho tšoarella, ka hohle. 'Me u ema ka pela Sefahleho sa Molimo, u le mora ea lopolotsoeng. Joale, ua bona, Kereke e tlotse maemo a eona a bophelo. 'Me kea nahana, ke khafetsa hahalo, rea hlohlotse sebakeng sa ho tsoa kannete re tobana le ntho.

Ke batla ho bua taba, 'me ke—ke tla e etsa nakong eo.

³⁵ 'Me joale lemohang phoso e teng nqa e 'ngoe ka hara likereke. 'Me ke kholoa likello tsa batho li sothile litamaiso tsa malumeli, le lintho tse joalo, ebile ha ba tsebe na ba e sebetsa joang. Ke hantle.

³⁶ Empa re tšepisitse hore E tla senoloa. 'Me joale Buka ena e tiisitsoe ka Litiiso tse Supileng. 'Me Litiiso tse Supileng tseo joale. . .

³⁷ 'Me hoba Litiiso tse Supileng li phetheloe, re fumana, ho Tšenolo 10, ho hlahile Lialuma tse supileng tse mohlolo tseo Johanne a laetsoeng ho li ngola, empa eaba o thibeloa ho ngola lintho tseo. 'Me mehleng ea Lialuma tseo, re fumana Kreste, kapa, “Lengelo le theohile ka mookoli, eaba le bea leoto la Lona holima lefatše le holima leotle, la hlapanya hore nako e felile, mehleng eo.”

³⁸ 'Me re bile re fumana—fumana, tšenolong ea Litiiso, e—Konyana e ile ea tloha mosebetsing oa Eona oa boemeli joaloka 'Muelli, 'me e tlile joale ho hlahlela litokelo tsa Eona, tsohle tseo A li lopolotseng ka lefu la Hae.

³⁹ 'Me, hape, ho se ea ka phetlang Buka. Ho se ea ka E utloisisang. E ne e le Buka ea Topollo. 'Me Molimo Ntate, Moea, E tšoere letsohong la Hae, hobane Kreste o ne a lutse Teroneng joaloka Moemeli, Moemeli a le mong. Ka baka leo, ho ke ke ha fumanoa mohalaleli, ho se Maria, ho se Josefa, ho se letho, holima aletare eo, hobane e ne e le Mali. 'Me Mali a Jesu e le oona feela a ka etsang pheko, ho se letho le ka emang e le Moemeli. Ke hantle. Ho ne ho se letho.

⁴⁰ Ka baka leo mohopolo ona ohle oa kopano le Mojuda ka lipolotiki, le kopano le Santa Cecilia bakeng sa ho hong, ke bosaoana. Ha se eona. . . Ha ke—ke re batho bao ha ba tšepahale 'me ba hloka 'nete. Ha ke re ha le tšepahale ha le etsa joalo, haeba u etsa joalo. Empa, u phoso, u—u botšepahi ba hao bo fosahetse. 'Me ntho efe. . .

⁴¹ Ba re, “Be, Lengelo lena—lena, ntho ena—ena e ipontšitse Santa Bonifer 'me ho builoe *sena*, *sane*, le se *seng*. 'Me ba tlameha ho bua *sena*.” Ha ke e belaele le hanyanyene, kelellong ea ka, hore motho o bone pono. Ha ke—ke belaele hore Joseph Smith o bone pono, feela e ne e sa tsepama le Lentsoe lohle. Ka baka leo, ho 'na, e phoso. Ua bona? E tlameha ho hlaha e tsepame le Lentsoe lohle.

⁴² Le mengoaha ea kereke e joalo, le Litiiso, le ntho eohle kaofela ha Eona. 'Me motho mang ea hopolang a tšoere Lialuma tse Supileng tseo, haeba e sa bape le Lentsoe lohle, phoso e teng. Ua bona? E tlameha ho hlaha, HO RIALO MOREMA, hobane *Ena* ke Buka. *Ena* ke tšenolo ea Jesu Kreste, ka botlalo ba Eona.

Joale, ke—ke lumela ke hona hobane Konyana e ile ea tsoela kapele.

⁴³ Ba ne ba sa tsebe. Johanne o ne a lla. Ha a fumana e mong, Leholimōng, lefatšeng, hoba bohle ba ka mose oane ho khohlo, ua bona, sebe. Ho ne ho se e mong. . . 'Me Lengeloi, ehlile, Le ka ba le tokelo, empa, holima tsohle, e ne e tlamehile ho ba oa Lesika le haufi. E ka khona ebe motho. 'Me ntho e joalo keha e le sieo, kaha mang le mang o tsoetsoe ka tsoalo.

⁴⁴ A tlameha ho Inkela Ea sa tsoaloang joalo. Eaba Molimo o Inkela hona, ka tsoalo ea moroetsana, le ho fetoha Emmanuele. Mali a Hae e le Oona a nang le tokelo. Eitse ha A tšela khohlo ena, ka Seqo, 'me a lefa theko 'me a latsa tsela bakeng sa rōna bohle, eaba O a lula, ho ba Molemeli. 'Me haesale A lutse mono.

⁴⁵ 'Me ka tšoanelo Buka esale e koetsoe, nako eo eohle. E teng mono, empa E hlahlile ka lipapiso. Ba E bone. Sitile le Johanne a E bone. Tsebiso, ea pele ha e tsoa, o itse, "Ho hlahlile pere e tšoeu; mokalli a kaletse; a tšoere seqha letsohong la hae." Eo ke papiso. Ha e a senoloa. Che. Ke papiso feela. 'Me, mang le mang holima lefatše, ke phetho seo a neng a ka se bua. Ke hantle. A ka thekesela 'me a tlatselaka, ntle le pelaelo, a otlana nqa e 'ngoe *mona* kapa *mane*, le ka morao ho nako.

⁴⁶ Empa rea fumana, ke hona, hore ka hara Buka ea Tšenolo, "Mehleleng ea Molaetsa oa lengeloi la bosupa, liphiri (liphiri tsa Eona tsohle) li tlameha li be li senotsoe nakong eo." Joale, eo ke Tšenolo 10:1-7, ho thoe E tlameha ho senoloa ho latela nako eo, ka nako eo, mohla A etsang hoo.

⁴⁷ Eaba Lialuma tse Supileng li utloahatsa mantsoe a tsona a mohlolo, 'me Johanne o ne a tla ngola. Empa, Johanne o tsebile hore E ne e le eng, empa a—a se ke a E ngola kaha a thibetsoe ho E ngola. Eona ka botlalo, le kahohle, ke sephiri. Ha E a senoloa le ka lipapiso kapa le letho. Re mpa re tseba A. . . E ile ea luma, ke phetho.

⁴⁸ 'Me joale hlalobong ea sena joale, u se le bale, joale, Sontaha, kapa Sontaha hoseng, re phumutse tšebeletso a pholiso kaha re tšoere likarabo tsa e—tsa lipotso tsa batho. Joale, ke batla potso ea lōna mabapi le Litiiso tse Supileng tsona, haeba e u hlopha, ha u sa utloisise ntho. Tloong re e fumane mabapi le Litiiso tse Supileng. Nka bolela feela, Moqebelo bosiu, haeba li lekane ho—ho li arabela, kapa che, ua bona. 'Me hona joale, ha re re feela, be, mabapi le ho hong, kapa, "Na ebe nka etsa *see*?" Kapa—kapa, e ka bang u lorile toro. Tseo, tseo ke lintho tse loketseng, joale, le hopole. Ke lintho tse loketseng. Empa tloong re tsitlalele Litiiso tse Supileng. Ke sona seo re tšoaraneng le sona. Ha re. . . Ke seo e—e kopano e reretsoeng sona, Litiiso tse Supileng. Re ke re tsitlalele Hoo hantle.

⁴⁹ Ke tlameha ho khutlela hae, ke tšoanela ho tšoara likopano tse 'maloa ka ntle koana bophirima. Ke nto khutla, nakong

e ka fetang khoeli kapa tse peli, kapa ntho e kang eo, ekaba Morena a ka re lumella ho fumana lethonyana, mohlomong tšebeletso ea pholiso kapa ho hong nakong eo, kapa sohle se re . . . e ka bang eng feela.

⁵⁰ Hape re fumana Literompeta tse Supileng, ho hlahlama le joale, ua bona. 'Me lintho tseo li kena mono, le tsona. Le Linkho tse Supileng, ua bona, tse tla tšolloa. Ka ba ka baka leo, 'me ntho eohle e tla lohana hantle ka mona, empa ntho eohle esale mohlolo.

⁵¹ Joale, bosiu bo fetileng . . . Re fumana Tiiso ea Pele e tsoile, 'me mokalli . . . 'Me Morena . . . Nthuse, ha kea e tseba pele le ka mohla. Ha kea tseba letho la lintho tsena pele. Ke hantle. 'Me ebile feela ha ke khone.

⁵² Ke ho nyolohela mono feela, ho nka Bibe le ho lula fatše, ho lula mono ho fihlela E buleha joalo. Ke nka pene ea ka 'me ke qala ke ngola. Le ho lula mono feela, mohlomong lihora, ho fihlela E ba—ho fihlela E ba e fetile.

⁵³ Ke nto khutla, ke fumane, ha ke bona moo A buileng taba Ena. Ke nahane, "Be, ekare ke e bone nqa e 'ngoe." Ke lata bukantsoe ea ka, ke e tsome. "Na ebe ntho Eo e teng? 'Me Ke ena hantle *mona*. 'Me ebile Ke ena *mona* hape. 'Me Ke ena morao *mona*, le tlase *mona*, le ka *mona* hape." Ebe moo ke E lohellang hantle kahare. Kea tseba ke Molimo oo, ha feela E bapa le Lengolo ka Lengolo. E tlameha ho sebetsa joalo. Ho joaloka ho kopanya moaho, majoe a tlameha ho lekana, lejoe ka lejoe.

⁵⁴ Joale, bosiu bo fetileng re ne re tšoarane le pulo ea—ea Tiiso ea Borarō. Pele ebile pere e tšoeu, ha nto latela pere e khunong, 'me ebe pere e ntšo. 'Me re fihlela bakalli e ne e le mokalli a le mong, ka linako tsohle; 'me e le antikreste, le ho qala. O ne a sa roala letho—letho moqhaka, empa eaba o fuoa o mong hamorao. Re mo fihletse a fuoa lerumo, ho tlosa khotso lefatšeng, 'me re mo fumana a entse hona hoo. Eaba o kena ka litšomo tsa ho nehela, ho abela kereke chelete, ka ho lekanya denare ho lefa *sena*, le denare tse peli ho lefa *sane*. Empa o ile a thibeloa ho ama Ole le veine, eona e se e setse e se kaenyana.

⁵⁵ 'Me eaba rea hlahisa, re khaolitse maobane bosiu, ka papiso ea seo Ole le veine li neng li le sona, le tšusumetso eo E bileng le eona. 'Me rea . . . Mohlomong e utloahetse e khohlahetse hanyenyane, empa 'na . . . ke 'Nete hantle feela. Ua bona? Joale, re khaolitse ka . . . A rōna, nakoana feela, re e phethe hape joale. 'Me re khaolitse mono, ka matla a veine, seo Ole e se bapisitseng, Moea. Joale, ke kholoa bohle le e ngotse fatše kaofela. Le tla e fumana teiping, haeba le sa khona. Le moo Mangolo a fumanoang teng, taba eo, kamehla ole e bapisa Moea o Halalelang. Joaloka baroetsana ba maoatla ba se nang Ole, baroetsana ba bohlale ba nang le Ole, e leng Moea o Halalelang. Le ho khutlela morao joalo, ho—ho bao—bao bapropofeta, le ba joalo. 'Me joale ke . . .

56 Ehlile, ha ke leke ho hula Lengolo le leng le le leng mono. 'Me li teng lintho tseo u ke keng ua li bua le hona; li minya nako e ngata haholo. Ke mpa ke leka ho e hlomamisa ka ntle mona, ka Mangolo le ka lintho tse joalo, ho lekanang ho fa batho le ho ba tsebisa hore ba bone setšoantšo sa Eona. Empa ha u ka lula fatše oa nka e 'ngoe ea Litiiso tseo, jo, khele, u ka ntša lithero tsa khoeli bosiu ka bong, hantle ka Tiiso eo, 'me u sa E ame ka letho, ua bona, ka e le 'ngoe ea Tsona. 'Me ehlile E ngata hakaalo—hakaalo. Empa, ke ho hlabā lihlooho tsa Eona feela, 'me le ka—le ka bona se amanang le Eona kahohle.

57 Joale, ole e ne e bapisa Moea o Halalelang. Hape re fumana ole le veine li tsoakana borapeling, ua bona, ka mehla li tsoakana borapeling.

58 'Me veine, ke boletse, e mphihletse, hore veine e bapisa hore e ne e le matla a—e ne e le matla a hlasimoloho e tlang ka tšenolo. Ua bona? 'Me keha ntho e senotsoe. E leotsa molumeli ka hlasimoloho, hobane e hlahisoa ka tšenolo. Ua bona? Ke ntho e builoeng ke Molimo. Ke sephiri; ha ba E utloisise, ua bona. 'Me, ka mora nakoana, Molimo o a theoha 'me o a E senola, le ho E nêtefatsa.

59 Hopolang, 'Nete ha e senotsoe, 'Nete e boela e nêtefatsoa. Molimo, ha o khaotse, leha motho a ka hlalefa joang, a ba masene a makae kelellong ea hae; ha Molimo o sa tšehetse seo sa se buang, phoso e teng. Ua bona? Hantle. Hobane, ke Lentsoe.

60 Joale, mohla Moshe a tsoang tlasa pululelo ea Molimo, ho re, "Lintsintsi li be teng." Lintsintsi li hlahile. Ho re, "Lihōhō li be teng." Lihōhō li hlahile.

61 Ua bona, ho ka thoeng haeba a itse, "Lintsintsi li be teng," li sa hlaha? Ua bona, ekabe'ba ha a—a bua Lentsoe la Morena, ua bona; o mpa a buile, o buile a iqalla lentsoe la hae. Mohlomong o hopotse lintsintsi li tlameha ho hlaha. Empa, ha—ha ho a hlaha lintsintsi, hobane Molimo ha o a mo laela joalo.

62 'Me ha Molimo a u bolella taba efe, 'me ho thoe, "Tloha u etse *senā*, 'me Ke tla e tšehetsa ka botlalo, hobane ke Lentsoe la Ka," 'me O e supa ka hara Bibehe, 'me Molimo o a e tšehetsa hantle. Le haeba e sa ngoloa ka hara Bibehe, Molimo o a e tšehetsa, leha ho le joalo, haeba e le Lentsoe la Molimo. Ua bona?

63 'Me haeba e le ka ntle ho ntho eo, e senoletsoe baporofeta. Rea elelloa hobane liphiri tsohle tsa Molimo li tsebisoa baporofeta, homme bona feela. Ua bona, Amose 3:7.

64 Joale, joale, matla a tšenolo a fehla hlasimoloho ho molumeli. Hoba, matla a veine, veine ka tlhaho, ke ho hlasimolla. Ua bona? Ke ho—ho tlišetsa motho, ea tepeletseng, ka hohle, hlasimoloho. Ua bona? Ua bona? Be, hape, joale, ho boetse ho fihleloa matla a tšenolo ea Lentsoe, a fehla hlasimoloho ea thabo ho molumeli, hlasimoloho ea khotsofalo, hlasimoloho kahobane Le nêtefalitsoe, Le pakiloe.

65 E bitsoa, ka hara Lengolo, ka moo re ka batlang ho e reella, e le “veine e ncha.” Ka mehla re e reella joalo, e le, “Batho bana ba tahliloe ke veine e ncha.” Ua bona? Ho lokile. Kapa, “veine ea moea,” kea kholoa, e ka ba koahollo e khabane eo. E ka ba, ea “veine ea moea.” Ka moo veine ka tlhaho e itšenolang ka matla a hlasimollang, le veine e ncha e sebetsa joalo, ka nako ha E senola Lentsoe la Molimo, e leng Moea. Oh! Joale ho na le . . . eo ke . . . Ua bona, Lentsoe ka sebele sa Lona ke Moea. Na le lumela seo? [Phutheho e re, “Amen.”—Mong.]

66 Ha re le baleng. Ha re le baleng, Santa Johanne 6. Rōna feela ha re . . . Yaa, ka hona le—ka hona le—le ke ke la re, “Be, joale, e builoe ke motho.” Ha re—ha re boneng na E builoe ke mang, ’me re tla tseba haeba e le ’Nete, kapa che. Santa Johanne, khaolo ea 6. Le khaolo ea 6, ’me kea kholoa ke mashotše- . . . temana ea 63, ho lokile, kea kholoa ke eona. E.

Moea ke ona o phelising; nama ha e thuse letho: taba tseo ke le bolellang tsona, ke moea, ebile ke bophelo.

67 Lentsoe ka sebele sa Lona ke Moea. Ke Moea ka sebopelo sa Lentsoe. ’Me hape, ua bona, haeba Le phelisoa, kapa ho tsoetsoa bophelong, Moea oa Lentsoe o tloha ho ea sebetsa le ho nka khatō. Ua bona? Hobane hoo . . .

68 Joale shebang mona. Mohopolo eka khona ebe mohopolo pele o fetolola lentsoe. ’Me mohopolo ha o hlahisoa, ke lentsoe. Joale, *ona* ke mohopolo oa Molimo oo A o beileng Lentsoeng. ’Me haeba re Le amohela le tsoa ho Eèna, E fetoha Lentsoe.

69 Molimo o senoletse Moshe seo a tlamehang ho se etsa. Moshe o e buile, eaba e a etsahala. Ua bona? Ke eona, haeba e fèla e tsoile ho Molimo.

70 Joale rea fumana, hore—hore E—E a u hlasimolla ebile E a thabisa, hobane Ke Lentsoe la Molimo. ’Me veine e ncha, veine e ncha e a hlasimolla e . . . ha E senola Lentsoe. Hape, ho tlisa thabo e sa tl’o lekanngoa, ka linako tse ling. Re ile ra pholletsa ho eona, hore e fehla thabo eo ho fihlela u khaphatsèha.

71 Joale, kea tseba bohanya bo bongata bo teng, ’me batho ba itsoere joalo. Kea tseba ka mehla e meng ba bo hlahisa ha ’mino o tlolela-holimo-le-tlase, le ntho eohle. ’Me kea tseba e a etsahala. ’Me ke—ke lumela joalo, hape. Empa ke bone batho mehlang, ha ’mino o tiletsa, mang le mang o qhomaka a hlaba litlase; empa ereha ’mino o khaolitse, e khaolitse. Ua bona? Kea lumela . . . Be, hoo, ho ntse ho itoketse, ho latela monahano oa ka, ua bona, ha feela batho ba phela hantle. ’Me . . .

72 Empa, joale, ke’ng, ha u qala o tlisa Lentsoe! Joale, hantle tsoanelo ke eona ntho e hlahisang Bophelo, ke Lentsoe, ’me le tlisa thabo e hlasimollang ea veine e ncha. Ua bona? E. ’Me ho bile joalo ka Pentekosta, mohla Lentsoe le neng le nêfefatsoa.

73 Joale shebang. Joale, Jesu o ba boleletse, Luka 24:49, “Bonang, Ke le romella pallo ea Ntate oa Ka; le mpe le

nyolohele Jerusalema le eme ho fihlela.” Pallo ea Ntate e ne e le efe? Joele 2:28, khele, rea fumana, hore O tla “tšela Moea.” Ho Esaia 28:19, ka moo ho tla hlaha “melomo e kokotletsang, le lipuo lisele,” le lintho tsena tsohle.

⁷⁴ Ba ile ba nyolohela mono. 'Me re ile ra feta ho eona, e ka ba e mong o itse, “Be, kea kholoa re eme ho lekana. Ha re e amoheleng ka tumelo feela.” Eo e ne e le thuto e khabane ea Baptise, empa ea se ke ea sebetsa ho baena bao.

⁷⁵ 'Me hape, ntho ea pele lea tseba, e ne e tlamehile ho fetoha bonnete. 'Me ba ile ba emela tšebetso ea bona, hore Lentsoe le nêtefatsoe. 'Me haeba u tla u batla Moea o Halalelang, u etse joalo.

⁷⁶ E, u ka e amohela ka tumelo. U tlamehile ho amohela Krete ka tumelo. Ke hantle haholo. 'Me u amohela Moea o Halalelang ka tumelo; empa joale lumella Moea o Halalelang ho kena ka hare le ho bolotsa, e le bopaki ba hobane O fêla a amohetse tumelo ea hao, ua bona. Hape, bona, “Abrahama o lumetse Molimo, 'me a balloa hoo hoba ke ho loka.” Empa eaba Molimo o mo letšoao la lebollo, ho thasisetsa hobane O amohetse tumelo ea hae.

⁷⁷ Le rōna re tšoanela ho etsa joalo. Re tšoanela ho emela Moea o Halalelang ho fihlela O sebelitse ho hong; e seng hakaalo kahobane re buile lipuo, hase hobane re hobetse, kapa ra sisimoha, ra hlaba litlatse. Ho fihlela re fetotsoe; ho fihlela ntho e etsahetse ka 'nete! Ha ke tsotelle na o kena ka tšobotsi efe. Hang feela ha e etsahetse, ke bona bohlokoa boo. Ua bona?

⁷⁸ 'Me kea lumela hobane ho bua ka lipuo le lintho tse ling tsena li itoketse, empa ntho eo e inotši e ke ke ea sebetsa. 'Me le uena u a tseba hoba e ke ke ea sebetsa. Ka hona, ha se eona e sebetsang.

⁷⁹ Ke bone baloi ba bua ka lipuo, ke bone baupelli ba bua ka lipuo ba hobela ka moea. Ehlile. Ho beha penê fatše 'me e ngola ka lipuo tse sa tsejoeng. Ebe motho o a e koaholla, ke hantle, a bolelele 'nete. Ke hantle. Ho ngola hantle se hlalileng, 'me se ne se nêpile hantle. Ho ba bona ba ithunthetsa ka lerōle hloohong, ba ithabaka ka lithipa, ba fopha mali a khomo e hlaha kapa ho hong, 'me—'me, ehlile, ua bona, ebe ba bitsa diabolosi. Ka baka leo, ua bona, hoo ha ho . . .

⁸⁰ Ho bua ka lipuo ha ho sebetse. “Leha nka bua ka puo ea batho le ea Mangeloi, ke se na lerato, ha ke thuse letho. Ua bona, leha nka etsa hoo!” Ua bona? Ka hona lintho tseo ha li bolelele hobane u na le Moea o Halalelang.

⁸¹ Empa mohla Eo, Motho, e—e Moea o sa shoeng oa Krete ea fetohang Mopholosi oa hao, le ho u fetola, le likhopolo tsa hao tsohle ho li lahlela kahara Kalvari le kahara Lentsoe lena, ntho e 'ngoe e etsahetse. E, monghali. Ntho e etsahetse. Ha ho motho ea tlamehileng ho u bolella ka eona. U tla e tseba ha e etsahala.

82 'Me veine e ncha, ha e tlisa tšenolo, ke mohla E—E senotsoeng.

83 Le Pentekosta ho etsahetse joalo. Ba tsebile hore—hore Moea o tlamehile ho tšeloa holima bona, eaba ba ema ha fihlela sena se etsahala. 'Me eitse ha nêtefatso ea tšenolo e etsahala, eaba ba leotsoa ke hlasimoloho. Ehlile ba entse hoo. Ba ile ba tlallana setimi, hape. Bao, ba tsoela literateng hantle; kanthe, ba ne ba tšaba, ba koetsoe menyako. 'Me ba tsoela literateng; athe, ba ne ba tšaba sehlopha sa batho; ba ba bolella Evangeli! Ke hantle. Ua bona? Ntho e 'ngoe e ne e etsahetse, hobane Lentsoe la 'nete la pallo le ne le nêtefalitsoe.

84 Joale ha re khefutseng motsotso mona. Efèla ha seo se hlahiselitse banna bonnete hakaale, hoo ba—ba . . . E mong le e mong oa bona o batla a tiisitse bopaki ba hae ka mali a bona. Ho sa tsotelehe se tlang, bophelong ba bona, ha E a ka ea ba tlohela. Ea lula mono, hobane e ne e le Lentsoe la mannete la pallo, le nêtefalitsoe. Tšenolo e a nêtefatsoa. 'Me ba ile ba shoa, ba tiisa bopaki ba ba bona ka mali a bona.

85 Joale le shalime pallo ea matsatsi a ho qetela. 'Me ke ena re e bona e nêtefalitsoe hantle pela rōna, ho—ho khutla ha joale ha Moea o Halalelang le mesebetsi eo A neng a tlamehile ho e etsa, 'me re e fumana hantle hara rōna. Ua bona? Oh, re tlamehile. . . Oh, khili! Ebe re ka utloa joang? Ntho e 'ngoe e a etsahala, kea u joetsa, motsoalle! Ha molumeli oa mannete, oa sebele, ea tšepهيلeng, ea reriloeng pele, ha Leseli leo le chabela peō eo, ntho e 'ngoe e phatloha e rutlolohela Bophelong bo bocha. Mosali e monyenyanane eo selibeng!

86 Eitse, baprista bao ba rupetsoeng ba buile, “Be, eo ke diabolosi. Ke senohe-ramahlohonolo. O—O mpa a bolella batho bao mahlohonolo a bona feela. 'Me Ke—Ke diabolosi.”

87 Empa, eitse, ha mosali e monyenyanane eo nang le peō eo e reriloeng pele! Joale na le nahana hore ha e a loka? Empa Jesu o itse, “Ha ho ea ka tlang, a sa huloe ke Ntate oa Ka; 'me bohle bao Ntate a 'Neileng bona ba tla tla.” 'Me O . . .

88 'Me antikreste, matsatsing a bofelo, o tla khona . . . 'Moea oo oa antikreste oo re ntseng re o lekola, ka hara tsamaiso ea mokhatlo oa bolumeli, 'me ho kholisitsoe ho thoe tsamaiso ea mokhatlo oa bolumeli e antikreste. Joale, ka nqane, motho ofe ea ka tlohang mona a tsamaea ka mokhoa oo, eèna, phoso e teng, a ntse a lumela hobane tsamaiso ea mokhatlo oa bolumeli ha e antikreste. Athe, e pakiloe ka botlalo, ho tsoa historing, ho tsoa nthong efe le efe e leng teng, ho haola Biebele ea Molimo le ntho efe le efe e sele, e antikreste. 'Me Roma ke hlooho ea eona. 'Me ebile likereke tsa barali li latetse ka ho tšoana hantle. 'Me bobeli ba tsona li akheloa lihelong. Ke hantle. Ka baka leo re bona ntho ena, antikreste, moea oa eona.

89 'Me letsatsing leo re phelang ho lona, be, khele, le tlameha ho ho tliša “thabo e ke keng ea boleloa e tletseng khanya.” Mosajana eo oa khale, hang hoba e mo chabele, khele, peō ea phatloha!

90 Joale, le hopole, Bible e re, letsatsing la ho qetela, antikreste enoa o tla “thetsa lefatše lohle.”

91 E tla ba palo e seng kae feela, bao mabitso a bona a ngotsoeng Bukeng ea Bophelo ea Konyana pele ho motheo oa lefatše. 'Me etlareha nêtefatso ea makhonthe ea 'Nete e senotsoeng ea Lentsoe la Molimo e chabela pelō, o tla itšohlometsa metsing, le ho Moea o Halalelang kantle koana, ho titima ka bokhoni ba lebelo la hae. 'Me u ke ke ua mo thibela hona, hobane Bophelo bo bocha bo sebelitse.

92 Ke qoqile le motho, nakoana e fetileng, a leka ho buisana le 'na, 'me ha thoe, “Na ha u soabe ho bolela ‘Molimo a hlotse maholimō le lefatše ka matsatsi a mararō . . . kapa ka matsatsi a tšeletseng?’”

Ka re, “Ke Bible e itsalong.”

93 Ha thoe, “Be, re tšoere bopaki ebile re ka kholisa hore lefatše le holile limilione tsa lilemo.”

94 Ka re, “Ha e amane le eona ka letho. Ho Genese 1:1, E itse, ‘Tšimolohong Molimo o no o hlole maholimō le lefatše.’ Khutlo! Ke phetho, ua bona. ‘Joale lefatše le ne le hloka sebopeho, le le feela.’” 'Me ka re, “Ke lumela hobane peō e 'ngoe le e 'ngoe e ne e robetse hantle mono, ho tsoa tsoelapeleng ea mofuta kapa ho hong. 'Me hang hoba metsi a suthisoe, 'me leseli le e chabela, eaba ho mela lifate le ntho e 'ngoe le e 'ngoe.”

95 'Me ho joalo le ka motho, ke sekai. Eitse hobane e—e—e mouoane ohle o sirohe, 'me 'Nete e senoletsoeng peō eo ea makhonthe e robetseng mono, e tšoereng lefi, 'me ha Leseli la Evangeli le ka e chabela ka nêtefatso ea makhonthe ea Lentsoe, e tla phela. E ruile Bophelo ka ho eona. E tla lumela. Ka thoko ho moo, e ke ke ea phela; ha e a na Bophelo ka ho eona.

96 Mabitso ao a ngotsoe Bukeng ea Bophelo ea Konyana pele ho motheo oa lefatše, a tla hlaha ruri joaloka eng le eng. 'Me ke ka baka leo Jesu a lutseng hantle Mono a letile mosebetsing oa Hae oa boemeli, ho fihlela peō eo ea ho qetela. 'Me O tla tseba hantle mohla e chabeloang.

97 Joaloka Ngk. Lee Vayle . . . Kea kholoa o sa le teng ka hara kopano nqa e 'ngoe. E se e le matsatsi ke sa 'mone. Ha ke khloe hore ke 'mone. [Moena e mong o re, “O teng mona.”—Mong.] O teng mona. Be, tsatsi le leng o nthomeletse sekhechana sena, mabapi le seo Irenease a se buileng. Be, ke thontse Irenease, khale koana, ho ba lengeloi la mongoaha oo oa hae. Empa o itse, “Etlare hobane ho kene setho seo sa ho qetela sa 'Mele,” mongoaheng ona oa ho qetela, “e tlamehile . . . ntho eo e tla senoloa nakong eo.” 'Me ke ena. E nêpile ka botlalo. Ua bona? Re letsatsing leo. Ho lokile.

⁹⁸ Hape, thabo ea Pentekosta e ne e phophoma. Ba ne ba hlile ba hlasimolohile. Kea kholoa, e fetisa moo.

⁹⁹ Feela ha re nkeng motsotso feela. Ha re hopoleng Davida. O—o hlile a hlasimoloha, le eëna. O itse, “Mohope oa ka oa khapatsèha.” Kea kholoa o fumane e—e boiphihlelo bo boholo bophelong ba hae. Eng, o entsoe ke’ng joalo? Mohla a ne a kene Moeeng. . . Hoba, e ne e le moporofeta. Re mo tseba joalo. Bibe le e itsalo. Moporofeta Davida, joale, hoba e ne e le moporofeta, ’me a le Moeeng, ’me o bone tsoho. Haeba le rata ho e bala, ke ho Pesalema 16:8-11. O itse, “Nama ea ka e tla nyakaletse. Khele! Ke—ke phomotse ka tšepo, hobane U ke ke ua tlohela moea oa ka lihelong; U ke ke ua lesa Mokhethoa oa Eo oa Hao hore a bone ho bola.” ’Me kea u bolella, mohope oa hae o ne o khaphatsèha, kaha a bone. Ho sa tsoetelehe se hlahileng; oh, o bone tsoho, ’me keha a hlile a . . . ’me mohope oa hae o khaphatsèha.

¹⁰⁰ Hape, mohope o mong oa Davida o ne o khaphatsèha, ho Samuele oa Bobeli, (haele moo le ntšitse lipensele tsa lōna), Sameule oa Bobeli 6:14. Ho kile ha omella.

¹⁰¹ Ba ne ba hapile areka. Sera sa kene sa hapa areka ea Morena, ba e theosa ba e hloma ka pela Dagone, eaba Dagone o oa ka sefahleho sa hae. Eaba ba e isa motseng o mong, ’me seoa sa ba o tla. E ne e le . . . E le ntho e chesang ka ho fetisa eo ba kileng ba e tšoara matsohong a bona, tlase mono. ’Me ba sa khone ho e tlosa, hoba e tsoile litulong tsa eona.

¹⁰² Joale, eitseha ba e hloesa koloi ea lipholo, e khutla. Davida ha a bona areka e khutla, lea tseba o entse’ng? A—a hla a tlaa hona, mohope oa hae o a khaphatsèha; hlasimoloho! Mohla a bonang Lentsoe le boela le senoloa ka hara Iseraele, o hobetse ka Moea, a likoloha, a likoloha, a likoloha, a likoloha, a likoloha, joalo. Yaa. Keha mohope oa hae o khaphatsèha, u a bona. Hobaneng? A bona Lentsoe le khutla.

¹⁰³ ’Me ke nahana hore ke sona se ka hlasimollang mang le mang ha ba bona, ka mora lilemo tsena tsohle; ’me Lentsoe la mannete, ka tšepiso e rialong, le khutlisoa le a nêtefatsoa. Nako e kakang! Nako e kakang!

¹⁰⁴ Joale ha re baleng. Ke—ke qala ke bua, nke ke ka fihla mona, ’me ke tla le tšoarella bohle mona ho fihla ka mashome a mararō ka morao ho leshome. Maobane ke le qhalantse ka nako, bosiuong bona ke tlameha ho le tšoara halelele. [Phutheho e re, “Amen.”—Mong.] Yaa. Yaa. Che, ke mpa ke le qhokola feela. Ua bona? Kea . . . Re e batla feela kamoo Morena a re tsamaisang feela joale.

Hobane a manolle tiiso ea bone, ka utloa lentsoe la sebopuoa se phelang sa bone le re, Tloo . . . bone.

¹⁰⁵ Joale, “Hobane Konyana e manolle Tiiso ea Bone.” Ha re emiseng hona mona. Tiiso ea Bone, joale, E butsoe ke Mang?

Konyana. Na motho e mong o na e-na le tokelo? Ha ho e mong ea neng a ka khona. Che. Ke Konyana e manolotseng Tiiso ea Bone.

¹⁰⁶ 'Me e—e Sebopuo sa bone, Sepheli se phelang se kang ntsu, sa re ho Johanne, “Tloo, u bone sephiri sa bone sa morero oa topollo, esale se patiloe Bukeng ena,” hobane ke Konyana e neng e E manolla. Ka mantsoe a mang, o ne a rialo. “Sephiri sa bone ke sena. Ke u bontšitse, ka papiso. Joale, Johanne, ha ke tsebe haeba u E utloisisitse, kapa che.” Empa, o ngotse seo a se boneng, empa e ne le ka sephiri. Ka hona, o ngotse seo a se boneng.

¹⁰⁷ Konyana e ne e qhaqholla Litiiso, 'me Molimo a ntse a sa tl'o E senola. E ne e sietsoe matsatsi a ho qetela. Ua bona? Joale, re fumane lipapiso, ra e hakanya, 'me nako tse ling ra sebetsa hantle, ua bona. Empa rea tseba hoba E 'nile ea tsoelapele. Empa joale, matsatsing a ho qetela, re ka hetla morao ra bona moo E tsoang teng. Le hore e tlameha ho etsoa, hoo, qetellong ea mongoaha oa kereke, pejana feela ho Hloibilo.

¹⁰⁸ Kamoo motho a ka fetisang Kereke Matšoenyehong, ha ke tsebe. Empa E tlangoa keng ho feta Matšoenyehong, athe ha E na—ha e na sebe? Seo ke se bolelang. . . Ha ke bue ka kereke; kereke eona e tla feta Matšoenyehong. Ke bua ka Monyaluoa. Monyaluoa, che, ha E balloe sebe khahlano le Eona, ho hang. E se e hloekisitsoe ka bolichi, 'me ha ho le e—e. . . Le lephoka la sona ha lea sala, 'me ha ho a sala letho. Ba phethahetse, pela Molimo. Ba hloka ho hloekisoa ke Matšoenyeho a'ng? Empa ba bang ba a hloka. Ehlile kereke e feta Matšoenyehong, empa e seng Monyaluoa.

¹⁰⁹ Joale, joale re nkile lipapiso tsa mefuta eohle joale. Joaloka e—e kereke, Nohe, mofuta o belesitsoeng oa tšela, oa tloha oa kena sebeng. Ua bona, joale, ba ile ba tšelisoa. Empa, Henoke o tsamaile pele, e ne e le sentšoantšo sa bahalaleli ba tla kena, le pele ho lekhathe la Matšoenyeho.

Joale rea fumana, Konyana ena e manolotse Tiiso.

¹¹⁰ Joale, Sebopuo sa pele rea se fumana, ha u ka ellelloa, Sebopuo sa pele re se fumana, e le e. . . Sebopuo sa pele e le tau, Sepheli se utloang; re e fumane bukeng ea sea-. . . ea mengoaha ea kereke. 'Me Sebopuo sa bobeli, kea kholoa, e le—e le sefahleho sa pholo, kapa namane. 'Me Sebopuo sa boraro e le sefahleho sa monna. Empa Sebopuo sa bone e le sefahleho sa ntsu. Joale re li fumane hantle ka mokhoa oo, li bilikana ka mokhoa oo hantle. 'Me le kahara Buka mona li hlophiloe hantle joalo.

¹¹¹ 'Me hape moruti e moholo, ka mohla o mong koana Florida, o rutila, a re—a re e. . . ha thoe, “Buka ea Liketso e ne e mpa e le e—e le mosebetsi oa sek'hefole oa eona—oa eona Kereke. Kereke e fumanoe kahara Lievangelii tse 'ne.”

112 'Me re fumana, e fapane le moo, Lievangeli tse 'ne ke tsona tse lisang Buka ea Liketso. Buka ea Liketso e ngotsoe ho tsoa Lievangeling tse 'ne, liketso tsa Moea o Halalalelang kahara baapostola. 'Me re fumana, koana kahara Buka, re fihlela balebeli bao ba lutse ba lisitse; bochabela, leboea, bophrimela, le boroa. Le sa hopola kamoo re takileng mona? 'Me eaba ntho eohle ea otlala botsekeng ha monate le ka phetheho kaalo!

113 Joale ke batla ho re le lemohe. Ho itsoe, "Tloo 'me u bone." Johanne. . . Joale ke batla hore le lemohe hape, pele ho sena. Joale, enoa mona ke mokalli oa ho qetela hara bona, ea tla senola tšebetso ea antikreste.

Hosane bosiu, ho tšoaranoa le meea e tlasa aletare.

Bosiu bo hlahlamang, likahlolo.

114 Bosiu bo hlahlamang, ke ho falla, ha eona—ha qetello ea mongoaha, qetello ea nako, ea lintho tsohle, ua bona, mohla A nyolloang. Ka baka leo, hantle kahara Tiiso eo ea Bosupa mono, ho tšolloa Linkho, ho bile ho tšolloa ntho eohle esele. Hore lintho tseo ke ling, ha ke se tsebe.

115 Lemohang. Empa joale, tabeng ena mona, re fumana thaka lena mona e le ntsu, monna enoa ea. . . kapa Sepheli sena se phelang se tšolloang mona joale. Kapa, ka mantsoe a mang, ho fumanoa mengoaha e mene ea Eona e fapaneng. Ho hlhile mongoaha oa tau. 'Me, rea fumana, hoba ona ke mongoaha oa bone.

116 'Me o itse, "Tloo u bone sephiri sa bone sa Buka ea Topollo, esale se patoa kahara Buka ena. Tloo, bona." 'Me Johanne a tloha ho ea bona, eaba o bona pere e tšehla. 'Me, hape, esale mokalli eo holima pere e tšehla ena.

117 Joale o na le lebitso le bitsoang Lefu. Joale eelloa. Ha ho mokalli e mong, ha ho lipere tse ling, kapa ha ho mohla mokalli enoa a kileng a kalla, ba ne ba se na lona; monna eo o ne a se reoa lebitso. Empa joale o bitsoa Lefu. Ha e boleloe. Ua bona? Hona joale o a senoloa. Seo a leng sona ke lefu.

118 Be, kamoo re ka lika-likang therong eo, ra e totobatsa ka 'nete! Empa ntho efe e anti, e khahlano le ea mannete, e tlamehile e be e le lefu. Hoba, basebeletsi ba babeli feela, bona ke, Bophelo le lefu. 'Me hoo ho paka hobane tšenolo ea Moea o Halalalelang ea sena, letsatsing lena, ke 'Nete ea makoma. Ntho e anti, ke lefu. Hobane, Lentsoe, joaloka ha re tla bona hamorao mona, ke Bophelo. Ua bona?

119 'Me monna enoa o bitsoa Lefu. Joale, ha ho a hlaloso linakong tse ling, mabapi le mokalli enoa. Empa, ho tloha, joale o a hlaloso, hore o bitsoa Lefu.

120 Empa tlasa tšenolo ea tau. . . Joale shebang. Joale ke batla ho bala sena ka kelohloko, ke tle ke kholisehe; e ngotsoe fatše, sebaka, ho ema mona. Ka tlasa, e seng katlasa tšenolo

ea mongoaha oa tau, kapa mongoaha oa pele, mongoaha oo oa hosasa, taba Ena ha e a ka ea senoloa. Mongoaha o latelang ea eba mongoaha oa pholo, e leng mongoaha o lefifi, mongoaha o bohareng, ha ea senoloa seo E beng e le sona. Ho a tšoana le ka Sebopua se kang motho, sa bohale, ho bapisa bahlabolli, Luther le Wesley le ba joalo, ha E a senoloa. Empa mongoaheng oa ntsu, mongoaha oa ho qetela, mongoaha oa boporofeta, moo ho tla utloahatsoa puo ea boporofeta, ua bona, eo liphiri li tlang ho eena ka mehla! Joale ke hona moo feela re . . .

121 Re tla lika-lika mono nakoana, bosiueng bona, le tle le utloisise ka botlalo. Joale, hangata, lea elelloa, hore lintho tsena . . . Ha ke bue le sehlopha se mona feela. Liteipi tsena li ea hohle, ua bona, 'me ke tšoanela ho e totobatsa. Hoba, motho o tla tloha a nke teipi e 'ngoe, 'me ebe, haeba ba sa li fumane kaofela, bohle ba tla lokotseha, ua bona. Molimo o tšepisitse Sena, ua bona, bakeng sa letsatsi lena, khetlong la ho qetela, ho qetella lintho tsena tsohle tse fapaneng tse ileng tsa hlaha tsa lubakana. Rea . . .

122 Re bile le likobo tsa Elia. Re bile le liphekha tsa Elia. Oh, ha hlaha batho ba . . . John Alexander Dowie o epetsoe holimo mono, a tlamiloe ka e—e sephekha. O ipitsitse Elisha. 'Me re fumane lintho tsa mefuta eohle tse kang tseo. Ke eng, le hona? Empa e le ho hlokola 'Nete e seng e tla hlahisoa. Ua bona? Ba bile le bokreste ba bohata pele ho nako ea Jesu. Ua bona? Ba etsa joalo kamehla. Ke Satane, ea chetang boetsisi, ho hlokoatsa likelello le tumelo ea batho, pele ntho eo e etsahala ka 'nete. Ke phetho.

123 Na Gamaliele ha a rialo ho Bajuda letsatsing leo? Ha thoe, “Na ha ho a ka ha tsoha monna ea ipoletseng Sena? Eaba ba sheshena ba makholo a mane ba a ntšetsa nahathote. Bao ba timetse, le joalo-joalo.”

124 Ha thoe, “Lekala le leng le le leng le sa hlangoang ke Ntate oa Ka ea Maholimōng,” Jesu o boletse, “le tla fotholoe.”

125 Gamaliele o itse, “Ba tloheleng. Haeba bao, haeba e se taba ea Molimo, na e ke ke ea hlolleha? Empa haeba e le ea Molimo, le tla iphumana le loantša Molimo.” Monna eo o sebelisitse bohale. E ne e le moruti.

126 Joale elelloang. Joale, ho lohanya liphiri tsena tsohle, Molimo o tšepisitse ho tla hlaha Elia oa makhontho, monna ea tloitsitsoeng ke Moea oo, 'me e tla senola. O e tšepisitse ho Malakia 4. 'Me ke tšoere lintlha le mangolo a reng ha ho joalo, empa nka rata ho qoqa le motho eo. Ua bona? Hobaneng, u ke ke ua e latola. Moithuti ofe ea motle, ea lokileng oa thutamolimo o a tseba ke 'Nete, hore ba e shebeletse.

127 Empa eka mohla e tlleng ka Johanne, moetellipele oa khetlo la pele la Krete. Khele, ha ba ka ba mo lemoha, hobane lintho tse khōlō haholo li ne li porofetiloe ka eena. Khele, o ne a tla

“kokobetsa linqalo tsohle tse litutulu, le linqalo tse kokobetseng a li etse litutulu, le linqalo tsohle tse makukuno a li latse.” ’Me, oh, eèna. . . Baporofeta: Esaia, lilemo tse makholo a supileng le metso e leshome le metso e ’meli pele ho tsoalo ea hae; le Malakia, lilemo tse makholo a mane pele a fihla temeng; bao bohle ba mo porofetile. ’Me keha ba emetse hore ho lepeletsoe pachisi e itseng ea Leholimō, ’me moporofeta enoa a tsoe hantle a tsamaea ka lere letsohong la hae, ho tsoa ho Molimo.

¹²⁸ ’Me ho etsahetse’ng? Monna eo u. . . a sa khone le ho hlahisa setlankana sa botho. A sa khone ho hlahisa litšoanelo. A lula kantle nahathote; a se na le thuto ea sekolo se tlase. Ha re bolelloa, ke boranalane, ho thoe o kene nahathote a le lilemo tse robong, ka mora lefu la ntatae le ’ma’e. ’Me o holetse kantle. . . Mosebetsi oa hae o le bohlokoa hona, ho ’na a ithara le k’holeshe ea thupello ea mofuta. A tla—a tla tumisa Messia.

¹²⁹ Molimo a ke ke a sebelisa monna ea hlohloang thutabomolimo. A ke ke a khona, hobane kamehla o tla khutlela morao hantle. Kaha e le tšobotsi ea thupello ea hae eo. O khutlela ho eona hape. Ka baka leo, haeba a bona ntho, o leka ho khutlela morao ho seo mesuhe e boletseng. Ho ka ba molemo ho ipaballa linthong tseo, le ho lumela Molimo feela.

¹³⁰ ’Me re ba fumana ba mo fositse. Esita le baapostola ba emeng mono, ba mo fositse. Khele, ba itse, “Horeng Lengolo le re, bangoli, ba re Eliase. . .”

¹³¹ A re, “Be, o se a tlile, ’me ha lea ka la mo tseba.”

¹³² ’Me ke okha paterone ea tsoho mono, kapa ea Hloibilo. E tla feta, ’me ba tla. . . Kea tseba e utloahala e hlolla. Empa mohlomong le tla tseba haholoanyane ka mora bosiu bona, ha Morena a ratile, kamoo e tla hlaha kateng feela, ua bona. E tla ba lekunutu, ha ho motho ea tla tseba ka eona, ho hang. Lefatše le tla nahana feela, le tla tsoelapele joaloka ka kamehla, ua bona, ’me feela. . . Kamehla O e sebetsa joalo.

¹³³ Lea tseba, kea belaela haeba ’ngoe—’ngoe. . . Nka re, pheresente ea ’ngoe-mashome a robong le metso e robong ea batho ba lefatše, e kileng ea tseba Jesu Krete a le mona mohla A fihlileng mona. Lea tseba, mohla Elia a ne a porofeta, ke belaela haeba mang a tsebile hoba e ne e le. . . Ba tsebile sehlakana-hlooho se seng holimo mane, lehlanya le itseng la khale, empa ba mo hloile. Ehlile. A le seo ba se bitsitseng moiloa.

¹³⁴ ’Me ha ke nahana, Mokreste ofe ea tsoetsoeng labobeli e batla e le moiloa oa mofuta nqa—nqa lefatše, hobane u fetotsoe. U tsoa lefatšeng le leng. Moea oa hao u tsoa mose ho khohlo. ’Me ntho e tlase ena mona ke hlekehleke feela e. . . Ka hona, haeba u sa—u sa fapana, phoso e teng; uena, u sa ntse u hokeletsoe lefatšeng haholo. Kelello ea hao e tlameha ho nahana se-Leholimō. ’Me Leholimō le phela ka Lentsoe.

135 Joale, re elelloa hore ntho e khōlō ena—ena e etsahetse. Joale, re lumela hoba ho tla fihla Moea oa Elisha oa mannete. E baletsoe joalo, ua bona. 'Me re tšoanetse ho hopola hore o tla ba teng mona, ka sehla le ka nako ea oona. Ekaba re bea motheo oa oona hona joale. 'Me e ke ke ea eba mokhatlo oa letho.

136 Ha ke—ke lumellane le motsoalle oa ka e moholo, mabapi le hoo. O re e tla ba sehlopha sa batho. Ke batla u mpontše eona ka Lengolo. Molimo, e leng Molimo o sa fetoheng, mananeo a Hae ha a fetohle le ka mohla. Haeba A etsa joalo, ekabe'ba Eo ha se Molimo; ke hantle, hobane O busoa ke lefu, 'me O tseba hakaale ka 'na, 'me O etsa liphoso.

137 Molimo ha o fetole lenaneo la Oona le ka mohla, ho qala hona mehlang ea serapa sa Edene. O ralile lenaneo la topollo; lona e ne e le Mali. 'Me re lekile thuto. Re lekile bohanyapetsi. Re lekile saek'holoji. Re lekile tsamaiso ea mokhatlo oa bolumeli. Re lekile eng le eng, ho qophella batho 'moho, kapa bohle ho ratana, le eng hape. Nqalo e 'ngoe ea bolekanane ha e fumanoe haese ka tlasa Mali, le joale, setša se le seng feela moo Molimo a kopanelang le motho.

138 Molimo o sebetsana le motho a le mong kamehla. Banna ba babeli ba fupile menahano e mebeli. Ha ho eso hlahle baporofeta ba babeli ba sehlooho holima lefatše, ba porofeta ka nako e le 'ngoe. Shebang morao le shebe haeba ho kile ha etsahala. Che, monghali. E tšophahane haholo! O tlameha ho fumana monna a le mong ea inehetseng ka botlalo, le ho sebelisa motho eo. O tsomana le motho eo.

139 Empa e mong o tla fihla, ka mohla o mong, motho ea tla ho Mo mamela, Lentsoe ka Lentsoe. Ha ke tsotelle seo mang a se buang, ba ke ke ba sutha ho Eona. Ke hantle. Ba tla emela HO RIALO MORENA. 'Me, hape, ba ke ke ba nka khato ho fihlela mohlang oo. O tla nêtefatsoa ka botlalo. Le tla . . .

140 Joale, lefatše le kantle le tla e hloea, empa Peō e khethiloeng, Peō ea boitherelopele, e kang ea matsatsing a Jesu, etlareha Leseli leo le khatšima, Peō eo e tla tsoetsoa Bopheleng ka mokhoa oo. [Moena Branham o thanya monoana oa hae hang—Mong] Ba tla E tseba. Ba tla E utloisisa. U ke ke ua tlameha ho bua lentsoe ka Eona.

141 O itse, "Monghali, kea lemoha hore U mporofeta. Kea tseba Messia mohla a tlileng, O loketse . . ."

A re, "Ke Eèna."

142 Moshanyana, hoo, eaba ho lekane. Ha a ka a tlameha ho leta bosiu bohle, le ho leta bosiu bo hlahlamang. A hla a E qhautsa hona hoo. O ne a kene tseleng ea hae. O ne a ba bolella ka Eona.

143 Joale hopolang, joale, mongoaheng oa pele e ne e le mongoaha oa tau. E ne e le Tau ea leloko la Juda, Krete.

Tšoaetso ea Bophelo ba Hae ka Sequ, e ile ea hapa mongoaha oo. Ke sona *Sebopuo*a sa pele, se bolelang “Matla,” sona se arabetseng ka lentsoe la motho.

144 Mongoaha o hlhlang e le mongoaha oa pholo, kapa mongoaha oa mokalli oa pere e lefifi. Ua bona?

145 Joale, lebaka leo mongoaha oa pele e neng e le mongoaha o bosoeu, e ne e le kahobane. . . Joalokaha—joalokaha ke utloile khafetsa batho ba re mokalli eo oa pele, ea bosoeu, e ne e le matla a kereke, a tsoileng ho ea hapa. 'Me re mo fumane a fuoe moqhaka, hore e ne e le eona. Hore e ne e le kereke. E ne e le kereke, empa e ile ea ea hokae? E ile Roma. Ke hona moo a entseng teng. O ile a fuoa moqhaka oa hae.

146 Joale, mongoaha oa bobeli e ne e le—e ne e le mokalli oa pere e khunong, e beng e le mongoaha o lefifi.

147 'Me joale—joale, oona—oona mongoaha o hlhlang, e ne e le e—e monna, oa mongoaha oa mokalli oa pere e ntšo. 'Me eena e le mongoaha oa bahlabolli, ua bona, mohla e—e Puo e ne e bua. Joale, mokalli oa pere e ntšo, e ne e le antikreste. Empa Ea neng a bua mongoaheng oo o ne a emetsoe ke monna, 'me hoo ke bohla, masene, le hlalefo. Ua bona? 'Me ha ba ka ba e fumana, ua bona. Ha ba ka ba bitsa. . . Ha ba ka ba mo rea lebitso. Ua bona? Ba e boletse feela e tsoile.

148 Empa joale, ho hlaha mongoaha oa ntsu, ke eona eo. . . Molimo kamehla o tšoaetsa baporofeta ba Hae le lintsu. O Ipitsa ntsu. Ntsu e nyolohela holimo haholo, ha ho letho le ka e amang. Ha ea phahamela holimo mono feela, empa e bopetsoe malulo ao. Mohla e fihlang holimo mane, e tlamehile ho bona moo e leng teng. Batho ba bang ba nyolohela holimo mane 'me ha bone moo ba leng teng, ka baka leo ho nyolohela holimo mono ha ho a thusa letho. Empa haeba u. . .

149 Empa ak'ō re lekhoaba le fofe le ntsu, kapa phakoe, efe feela, e tla phatloha. E tlameha ho pompeloa sefutho sa khatello ho fihla moo e eang teng.

150 Ke bona bothata kajeno, bang ba rōna ha rea pompeloa khatello. Re phatloha ka potlako, ua bona, ha re ntse re qhomaka. 'Me, empa, re tlameha ho pompeloa khatello.

151 Ha u fihla holimo mane, 'me u otliloe ka pono ea ntsu, ho bona se tlang ho tla, le ho tseba hore ho etsoeng. Joale, mongoaha oa ntsu o E senotse. Joale re fumana hobane, mongoaha oo oa ntsu o tšepisitsoe ho Tšenolo 10:7 le ho Malakia . . .:1, 4. Taba eo e tla hlaha matsatsing a ho qetela, ua bona, ke hantle, hore e tla fihla mona. Ho lokile. Lemohang.

152 Joale, thaka lena, re mo fihlela a kaletse pere e tšehla. Tšehla! Oh, khili! Ka mora, lemohang ka mora. . .

153 “Maprotestanta a limilione tse mashome a tšeletseng a metso e robeli,” re e qotsitse ho tsoa—ho tsoa ho *Glorious*

Reform ea Schmucker's, ea e—ea babolaeloatumelo ba Roma, maobane bosiu. Re fumana, ho fihla ho letšoao la 1500, kea kholoa, kapa la leshome le metso e robeli- . . . Ha ke sa hopola hantle joale. Empa ho bolailoe limilione tse mashome a tšeletseng a metso e robeli, ho hanyetsa kereke ea pele Roma, Roma. Ha ho makatse, a khonne ho iketsisa ka lebitso le mothofalitsoeng la . . . le ho bitsoa Lefu. Ehlile e ne le eona.

¹⁵⁴ Joale, ke Molimo o inosi o tsebang palo ea bao a ba bolaileng semoeeng, ka thuto ea hae e anti-Bibele, -Lentsoe! Ke eèna ea fenethileng limilione tse mashome a tšeletseng a metso e robeli ka lerumo, a li bolaea. 'Me koana, re ka re, ho shoele libilione moeng, ka baka la thuto ea hae ea bohata. Ha ho makatse haele moo a nkile lebitso la Lefu!

¹⁵⁵ Na le bona mokalli? Khetlo la pele, joaloka antikreste, e ne e le lefu, le ho qaleng; empa mohlang oo keha a hloka sekoli. Eaba o fuoa moqhaka, oa mehlahloe e merarō; 'me hoba a etse joalo, eaba o a teanya, Satane a kopanya kereke ea hae le 'muso, hobane o ne a li okametse bobeli ba tsona lekhatheeng leo. Antikreste e ne e le Satane, ka sebopeho sa monna.

¹⁵⁶ 'Me ebile, hape, Santa Mattheu, kea kholoa ke eona, khaolo ea 4, e re bolella ka eona—ka eona. Satane o ile a nyolosetsa Jesu, Morena oa rōna, holimo, a Mo bontša mebuso ea lefatše, kaofela ha eona, ka nako le motsotso, le khanya ea eona, a Mo nyehela eona. 'Me o itse . . . Eo, e ne e le ea hae.

¹⁵⁷ Ka hona, ua bona, he, haeba a ka kopanya 'muso oa hae le kereke ea hae 'moho, mokalli oa pere e khunong e ka kalla, ehlile bo. Ua bona? Ruri! Joale, he, mona re fumana sephiri sa hae, ka hara kereke ea hae le 'muso.

¹⁵⁸ Mokhahlelo oa bone oa tšebetso ea hae, o bitsoa sebata. Pele o bitsoa antikreste, ua bona; a ntano bitsoa moporofeta oa bohata; 'me o bitsoa sebata. Joale mona re mo fumana a bitsoa sebata. Joale, ke batla le lemohe, mono ke ka morao ho pere ea bone.

¹⁵⁹ 'Me ho pere ena ea bone, ha le ka lemoha, tsohle . . . Ea pele e ne e le tšoeu; 'me e hlahlamang e le khunong; 'me e hlahlamang e le ntšo; 'me ea bone, tse ling tsena tsohle tse tharō li ne li tšoantšitsoe ka hara eona; hobane, tšehla ke bofubeli le—le bosoeu, le joalo-joalo, ha li tsoakane 'moho. Ua bona? O . . . E—e tsoakilo eohle kahara pere e le 'ngoe ena. Ua bona? 'Me mono o fetoha 'ne, kapa, ka tšoanelo, tse tharō ho e le 'ngoe. 'Me e ne e tsoakane kahara ntho e le 'ngoe eo.

¹⁶⁰ Joale ke batla le li lemohe bone ba tsona. Le lemohe palo-mosollane, ea 'ne, ka hara lipalo tsa semoea. Molimo ke botharō. Ena ke 'ne. Eèna ke 'ne, mona. Pele, antikreste, bosoeu; bobeling, moporofeta oa bohata, khunong; borarong, lenqosa la maholimo le lefatše le—le pelekatori, botšo; boneng, sebata, pere e tšehla, Satane ea lelekoang

Leholimōng. Na le batla ho e bala? Tšenolo 12:13, Satane o lelekoa Leholimōng. Ebe ho Tšenolo 13:1, 8, o etsoa nama kahara motho oa sebata.

¹⁶¹ Pele ke antikreste, ke thuto feela—feela e bitsoang Banikolaitane; e be o fetoha, ho tloha moo, e-ba moprofeta oa bohata. Haeba e le antikreste, antikreste ke *khahlano*. Ntho efe e khahlano le Lentsoe la Molimo e khahlano le Molimo, hobane Lentsoe ke Molimo. “Lentsoe le ne le le tšimolohong, ’me Lentsoe le ne le le ho Molimo, ’me Lentsoe le le etsoe nama, Kreste, la aha hara rōna.” ’Me joale o khahlano le Lentsoe, ka baka leo o tla be a le antikreste. Empa moea o ke ke oa fuoa moqhaka; ke ka baka leo a sa kang a fuoa moqhaka. Haese seqha feela, se sa hlahleloang metsu.

¹⁶² ’Me eitseha a fihla, nako ea ho roetsoa moqhaka, ke mohla a fetohang moporofeta oa bohata oa thuto ea hae ea antikreste. Lea e tšoara? Ebe o fua lerumo, hobane o teanya matla a hae ’moho, ke mohla a sa tlamehang ho kopa motho. Ke mogofonoro oa ’muso; ke mogofonoro oa Leholimō. O fuoa moqhaka oa mekhahlelo e merarō. O iketsetsa mohopolo o bitsoang “pelekatori.” Moo, haeba—haeba ba bang ba bona ba shoele morao koana, ’me ba tšoere chelete e itseng, ba batla ho rekolloa, a ka ba rapella ho ntšoa teng. Hobane, o na le matla a ho etsa joalo; ke *lenqosa*. Ehlile, ke lona. “O tlatsa litulo tsa Molimo, lefatšeng.” Haeba e sa hlaka ho feta ntho efe!

¹⁶³ Rea e fumana, ho e theola, hara Bibehe, le ho bala palo ea hae ka lipalo le eng le eng. Ke enoa . . . ? . . . hantle morao mona ka palo ea ’ne, e seng palo ea tharō. Palo ea ’ne, ua bona.

¹⁶⁴ Joale ha re phetleng, Tšenolo 12. Ha re baleng sena feela nakoana, hoba re—re tla ba le nako ea ho etsa sena. ’Me ha re baleng Tšenolo e—e khaolo ea 12 le temana ea 13. “Ka eona hora eo ha hlaha tšisinyeho e khōlō ea lefatše. . . .” Che, ke tšoere e—ke tšoere tulo e phoso. Ea 13:

Drakone eitse ha e bona hobane e lihetsoe kantie holimo lefatšeng, ea ea ho hlorisa mosali ea neng a behile ngoana e motona.

¹⁶⁵ Joale, ua bona, o ile a lihelo kantie, ho lefatše, ’me o fetoha nama, nakong eo moea oa antikreste o etsoang nama kahara monna. Monna eo o fetoha ho tloha nthong e ’ngoe ho ea ho e ’ngoe, ho tloha ho moea oa antikreste ho ea ho moporofeta oa bohata, ’me ebe moo sebata se kenang ka ho eena.

¹⁶⁶ Ke papiso ea Kereke e holang; kereke ea hae e qalile ho tloha—ho tloha ka antikreste ho ea ho moporofeta oa bohata, ’me, mongoaheng o moholo o tlang, ke sebata se tlang ho tsoha. Ka baka leo, le Kereke e tla ka ho tšoana, ka tokafatso, khalaletso, le kolobetso ea Moea o Halalelang, ke Krete ea kenang kahara batho, ka tšoanelo feela. ’Me o tšoere

papiso-maleba ea Eona mane, e...ua bona, papiso ea Eona, ke rialo. Ke eo, ka nêpahalo. Ke eëna. O raheloa kantle ho Leholimō.

167 Joale rea fumana, ho Tšenolo 13:1 ho fihla ho 8.

Eaba ke ema mabopong a leoatle, ka bona sebata se nyolohang...

168 Joale, ea 12 ke ena, moo a lelekiloeng. Joale shebang.

...bona sebata se nyolohang leoatleng, se nang le lihlooho tse supileng le linaka tse leshome, linakeng tsa sona se ne se roetse meqhaka e leshome, 'me hloohong ea sona ho ne ho ngoliloe mabitso a nyefolang.

Sebata seo ke se boneng se ne se tšoana le lengau, maoto a sona...

169 Oh, holane re e na le nako joale, re ka qeta bosiu bohle, hantle ka lipapiso tseo tsohle, le ho bontša, ho e khutlisetsa ho eëna hape. Mang le mang, bongata ba lōna le tseba seo, ho tsoa lithutong tse ling.

...maoto a sona a...joaloka maoto a bere, 'me molomo oa sona o...joaloka molomo oa tau: 'me drakone ea se nea matla a sona, ...terone, le...borena.

170 Huh! Satane ka nama! Ua bona?

Ka bona hlooho e 'ngoe ea eona e hlabiloe eka...ea shoa;...

171 Le ho theohela tlase, ha re ntse re ea, haeba le batla joalo, ha u fumana monyetla oa bala u theoaha. Che, ha re—ha re baleng nakoana feela.

Ka bona hlooho e 'ngoe ea eona e hlabiloe eka e ile...ea shoa; empa leqeba leo le e bolaeang la fola: 'me lefatše lohle la makala ke sebata.

172 Le shebe feela! Le se ke la sheba bokomonisi. Hase letho empa ke sebetsa feela, se beiloeng matsohong a Molimo, ho le thusa tsatsi le leng ho fumana ho, “phethetsa mali,” joaloka ha re tla e fumana hosane bosiu. Ua bona?

Ba rapela drakone...

173 Drakone e ne e le mang? Satane. Ke hantle? “Drakone e khubelu.” Ho lokile.

...kahobane e neile sebata matla a eona (moo se fumanang matla a sona, ua bona): ba rapela sebata, ba re, Ke mang ea lekanang le sebata? 'me ke mang ea ka tsebang ho loana le sona?

Sa neoa molomo o boelang litaba tse khōlō le tsa nyefolo: 'me sa fuoa matla a ho lona ka likhoeli tse mashome a mane a metso e 'meli.

Sa ahlamisa molomo oa sona ho nyefola Molimo, (Ke lōna bao, ua bona. Ho lokile.) . . . ho nyefola lebitso la oona, (ho mo fa thaetlele) . . . tabernakele ea oona (e leng leaho la Moea o Halalelang), . . .

174 Ho e fetola nqalo e Roma, Motse oa Mopapa. U ka tsoelapele feela oa theoha:

. . . le ba ahileng leholimōng.

175 Ho ba nyefola, ka ho ba bitsa babuelli.

Sa neoa ho loantša bahalaleli ('me se entse joalo), le ho ba hlola (se entse joalo): . . .

176 Ho ba chesa lithupeng! Ho ba fepa itau! Le ho ba bolaea ka boithatelo ba hae!

. . . sa neoa matla a ho holima mefuta eohle, . . . holima lipuo tsohle, le holima lichaba tsohle.

177 Ha eso etsahalale joalo Roma haese ho fihlela Roma ea bopagane ea bohetene e fetoloa Roma ea mopapa, 'me eaba matla a Katolike a hasana holima lefatše, ho etsoa kereke ea Katolike e ka lefatšeng lohle.

'Me se tla rapeloa ke bohle ba ahileng lefatšeng, bao mabitso a bona a sa kang a ngoloang bukeng . . .

178 “U se ke ua ama Ole ea Ka le veine!” Ua bona?

'Me se tla rapeloa ke bohle ba ahileng lefatšeng, bao mabitso a bona a sa kang a ngoloang bukeng ea bophelo ea Konyana e hlabiloeng esale lefatše le theoa.

Ea nang le tsebe, a utloe.

Ea isang ba bang kholehong o tla ea kholehong le eèna: 'me ekare ha motho a bolaea ka lerumo e ka khona le eèna a bolaoe ka lerumo. Ke moo ho tla bonahala mamello le . . . tumelo ea bahalaleli.

179 Joale, re mo fumane, maobane bosiu, a tšoere lerumo la hae le leholo, ho bolaea.

180 Re mo fumana a bolaoa ka lerumo, le eèna, lerumo la Lentsoe. Lentsoe la Molimo, le bohale, sabole e leolitsoeng ka nqa tse peli, e a mo hlaba, e mo lihela fatše hantle. Le emele Lialuma tse Supileng tseo ha li utloahatsa mantsoe a Tsona, a sehlopha seo se ka tšoarang Lentsoe la Molimo ka 'nete ho Le tšoarella mono, Le tla hlatha le sehe. Ba ka koala maholimō. Ba ka koala *sena*, kapa ba etsa *sane*, sohle seo ba se batlang. Thoriso! O tla hlajoa ka Lentsoe le tsoang molomong oa Hae, le bohale ho fetsisa sabole e leolitsoeng ka nqa tse peli. Ba ka bitsa litone tse libilione tse lekholo tsa lintshintsi haeba ba batla. Amen. Sohle seo ba se buang, se tla etsahala, hobane Ke Lentsoe la Molimo e tsoang molomong oa Molimo. Yaa. Amen. Molimo, kamehla, Ke Lentsoe la Hae, empa kamehla O sebelisa motho Le sebelisa.

181 Molimo o no o ka bitsa lintsintsi tseo, tlase Egepeta, empa O itse, “Moshe, ke mosebetsi oa hao. Ke tla u bolella seo u tlang ho se etsa, 'me u tlohe u se etse.” O se entse ka botlalo. Ua bona? A—A ka be a khethile e—e letsatsi ho li bitsa, A ka be a khethile khoeli ho e bitsa, kapa moea ho e bitsa. Empa, O—O itse, “Moshe.” Hoo, hoo . . . O khethile monna oa Hae. Ho lokile.

182 Joale mona rea fumana, hore Satane enoa, hoba a lelekoe Leholimōng, o iketsa nama ka hara sebata. 'Me hona joale ke sebata; antikreste, moporofeta oa bohata, 'me joale sebata. Le ho reoa lebitso la Ľefu! 'Me o latetsoe ke Lihele! Satane ka botlalo, holima terone ea hae! Oh, khili! Holima lefatše, ke Satane, moemeli, holima lefatše, hona joale ke hlooho ea mebuso ea lefatše, eona mebuso eo a kileng a e nehela Morena Jesu ho Mattheu 4. Hona joale Satane o fetoha morena ka botlalo.

183 Joale, sena se etsahala hamorao. Hona joale ke moporofeta oa bohata. O tla fetoha sebata, ka mora nakoana, mohla a robang selekane sa hae mono le Bajuda. Le tseba kamoo re . . . Ho lokile, lemohang joale, o tla fuoa pelō ea sebata, mohlang oo, 'me Satane o tla kena nameng. Hobane, etlare ha Kereke e nyoloha, Satane o lahleloa ka ntle. Ua bona? Ua bona? Ho felile, ke hona, liqoso tsa hae tsohle li felile. Ua bona? Joale, ha feela . . .

184 Shebang, ha feela 'Muelli a lutse Teroneng, Satane a ka ema mono a qosa, hobane ke leqoetha la lehlakore le leng. Ke mohlolisane oa Krete. 'Me Krete ke . . . O eme mono, e—e—e mohlolisane o eme mono, ho thoe, “Empa, be butle! Adama o tlotse! Adama o entse *sen!* Ke mo hlotse. Ke entse hore mosali oa hae a lumele leshano. U itse o tla tsuoa ke hona. Ke e khonne!”

185 Empa Moemeli ke enoa o eme mono, amen, Molopolli oa Lesika, amen, ho ema mono ka Mali a ka tšoarang pelō ea moetsalibe ea soto ka ho fetisisa a e fetoha. Moemeli o holima Terone. E, monghali.

Satane o itse, “Empa ba molato!”

A ka re, “Ha ba na oona.”

186 Ho sibolotsoe Clorox, kapa e ritetsoe, ho tlosa sekoli, ho nyametsa 'mala oa enke kapa sekoli sefe. Ba e fumane. E se pshatla ho fihlela u ke ke ua se fumana le ka mohla. Se khutlela ligaseng, le morao koana leseling la k'hosmiki. Se feta limolek'hule le ntho efe esele, ho fihlela se fetoha ntho ea mantlha eo se tsoang ho eona. Ke popo. Ho ba . . . Popo e tlameha ho tsoa ho 'Mopi. Empa lik'hemik'hale tsohle tse entsoeng le tse tsoakiloeng hammoho, lia pshatloa, 'me ke phetho. Ha se sa fumanoa. Esita le sona—sona sephalli sa metsi, se tsoakana le Clorox, e leng melora.

187 Amen! Khanya ho Molimo! Ntho eohle e hloekile. Ke sona seo Mali a Jesu Krete a se etsetsang ngoana oa Molimo oa makhonthe, ha a ipolela sebe seo 'me a ema mono, a

lokafalitsoe ka pela Hae. . . Mohau! Jo 'na! E phahame hoo Molimo a itseng, "Ebile ha ke sa se hopola le ka mohla. 'Me ke mora oa Ka ka botlalo."

188 "Kannete, Ke re ho lōna, ha u ka re ho thaba ena 'sutha,' 'me u sa belaele pelōng ea hao, u mpa u lumela seo u se boletseng, u. . . se tla etsahala. U ka fumana seo u se boletseng se tla hlaha." U mora ea lopolotsoeng. Amen! Kea e tseba ke 'nete.

189 Ke bone mesamane ea lifate e hlaha koana, ka linako tse tšeletseng tse fapaneng, athe ke tsebile ho se o ka lulang mona. Joalo feela, A ka bopa mesamane joaloka ha A ka bopa linthintsi, kapa lihoho, kapa ntho efe esele. Eēna, Ke Molimo, 'Mopi. Hantle! 'Me athe ha ho motho ea busoang ke lefu. . .

190 Empa sebe sa motho ea busoang ke lefu ha se boletsoe 'me se lihetsoe kahara Clorox eo, ea bolichi ba Jesu Krete, E monyolla sebe sohle. O hloekile o phethahetse ha a silafala, ha a na sebe, ha a na molato. "Ea tsoetsoeng ke Molimo ha a etse sebe, hobane a ke ke a etsa sebe." Bolichi bo beiloe lipakeng tsa hae le Molimo. Ebe se ka fihla joang mono le ka mohla, bo se pshatla bo se khutlisetsa morao ho mokhopamisi oa sona! Amen!

191 Shuu! Ke ikutloa ke khaphatseha borapeli. Ke—kea le bolella, hona joale ke hlile ke hlasi molloa keha ntho ena e qala e senola.

192 Lemohang, Satane ka botlalo, o lutse teroneng ea hae. E, monghali. O ile a le nehela Molimo, ho le nehela Morena oa rōna. Ke enoa, o lutse mona, pelō ea hae ea sebata e kahare ho eēna. Joale, motho ke enoa, sebata, liabolosi ka nama. O ithlahisa holima lefatše mono, tlasa boetsisi ba thetso. Oh, khili, jo nna! Tlasa boikaketsi ba thetso ba Lentsoe la 'nete, o ipapisitse le Lentsoe.

193 O etsisitse papiso ea hae—ea hae ka tšoanelo, eēna Judase, lilemo tse likete tse peli tse fetileng. O ile a etsa'ng? Judase o kene, joaloka molumeli, athe e ne e le diabolosi le ho qaleng. "O tsoetsoe e le mora oa tahleho." Ha a khona ho qhekella Jesu, kahobane A mo tsebile le ho qaleng; amen, hobane E ne e le Lentsoe. Ho lokile. 'Me, le hopole, Judase o ile a nka phaposi ea ramatlotlo, 'me a tlola ka chelete.

194 Le kereke ea letsatsi lena! Kereke ea Katolike, kamoo re lemohileng maobane bosiu, e lefisa dinovenase, ho lefisa lithapelo, le ho lefisa ntho e 'ngoe le 'ngoe. Ho batla ho tšoana, le barali ba kereke ea Katolike ba futsitse hona hoo, e leng Maprotestanta. Ntho eohle e haretsoe ka chelete. Ke hona moo Judase a sitiloeng teng, 'me ke enoa moo a sitiloeng teng, 'me ke hona moo Maprotestanta a sitoang teng.

195 Shebang, o kalla pere e tšehla ha a hlaha a kaletse, ho kalla khetlo lena la ho qetela. Hona joale o lekhetlong la hae la ho qetela. Joale, mona ha se letsatsing la rōna. E tla hlaha tlase

pelenyana koana. Ke Tiiso, e lepiloeng pele. Hobane, ua bona, mohla sena se hlahang Kereke e falletse. Mohla Krete a hlahang mona holima lefatše, joaloka ha—joaloka ha—joaloka . . . Thaka lena lea hlaha, 'me le fetoha ka botlalo, diabolosi ka botlalo; ho tloha ho antikreste, ho theoaha tsela eohle, ho ba moporofeta oa bohata, le ho kena ho sebata, diabolosi ka seqo sa hae. 'Me o kaletse pere e tšehla, ea mebala eohle, e tšoakiloeng ka mebala ea mefuta eohle, ho mo fetola bosehla le lefu.

¹⁹⁶ Empa mohla Morena oa rōna a hlahang mona holima lefatše, O tla be a kaletse pere e bosoeu ba lehloa. 'Me ka botlalo, le ka ho felella E tla be e le, Emmanuel, Lentsoe la Molimo le entsoeng nama kahara Monna. Ua bona? Phapang e kaalo lipakeng tsa bona. Ke eona phapang ea bona.

¹⁹⁷ Lemohang, antikreste o holima pere e tšehla, e tšoakileng mebala. Pere ke phoofolo e tšoantšoang matla. Matla a hae a tsoakiloe kahohle. Hobane'ng? Ke dipolotiki, ke—ke matla a machaba, ke matla a borapeli, ke matla a bodemona. Matla a mefuta eohle a tsoakane 'moho, motsoako, e ne e le pere e tšehla. O ruile matla a mefuta eohle.

¹⁹⁸ Empa Jesu mohla a tlang, ke holima pere e 'mala o le mong o shoetseng, Lentsoe. Amen!

¹⁹⁹ Ena e tsoaka mebala ea eona, ea bokhunong, bosoeu, botšo; mebala e merarō holima e le 'ngoe, e tšoantšitsoe ho e le 'ngoe. Le matla a mararō a tšoantšitsoe ho e le 'ngoe; pere e tšoeu, pere e ntšo, pere e khunong. Le meqhaka e merarō, holima o le mong. Ua bona? Ehlile.

²⁰⁰ Ke bone moqhaka, ka bonna; ho ema, oh, haufi hakaalo le ho o sheba. Ke sa khone ho o fihlela, ka baka la galase, e o koahetseng. Keha e le oo, o notletsoe ka seloto se seholo, o hlahletsoe kahara lekasana: moqhaka oa mehlahloe e merarō. Ka baka leo kea tseba hoba ke 'nete. Uh-huh. E ne e le oo, moqhaka oa mehlahloe e merarō, lenqosa: leholimō, pelekatori, le lefatše.

²⁰¹ Matla a mararō a kopaneng 'moho, ua bona, ohle a kopantsoe ke 'mala, bosehla. Lefu le takiloe nthong eohle; dipolotiki, le—le borapeli, le—le matla a bademona, a kopantsoe 'moho. Dipolotiki, ke morena oa lipolotiki, Satane ke eena. Masene! Shuu! Ehlile. U se leke ho mo hlolisa ka bohlale. Feela—feela u itšepele Morena. Ke phetho.

²⁰² Kamoo ke entseng, ntho eohle, ke fetile ho eona pele. Bohlahe bohle, lithuto le lintho tse kang tseo, li tsoa lehlakoreng le phoso. Ak'o e sale morao hara Lengolo, fumana haeba e le 'nete. Sala bana ba Kaine morao ho bona seo ba fetohileng sona. U ntano sala bana ba Setha morao, ho bona seo ba neng ba le sona. Ha se kahobane ke tšehetsa ho se rutehe, lekhale. Che, monghali. Empa u ka nka batho bafe, mohlomong, ba Bibehe, ke ka seelo . . .

203 'Me e mong o teng ea bitsoang Pauluse, monna ea masene, 'me o ipoletse a ne a loketse ho lebala sohle seo a se tsebileng, ho tseba Kreste. O itse, "Ha kea tla ho lōna ka mantsoe a ekang a bohlale ba batho, empa ke tlile ho lōna ka Matla a tsoho ea Kreste." Ke hantle, Matla a Moea o Halalelang!

204 Le shebe ba bang. Ba bang ba ne ba sa khone ho khetholla letsoho le letona ho le letšehali. 'Me—'me, oh, shebang tlase mongoaheng oa baporofeta, le moo ba tsoang teng, le joalo-joalo. Le bona seo ke se bolelang?

205 Ua bona, ke masene, hlalefo, le bohlale. Bohlale ke eona ntho eo u tlosang ho Molimo.

206 O na le matla a mararō, kapa boholo bo hararō—hararō: lefatše, Leholimō, le pelekatori.

207 Eèna, ka seqo, ke trinita. O bopiloe joalo. 'Me o kaletse ka trinita. Matla a hae ke trinita. Moqhaka oa hae ke trinita. Pere ea hae ke trinita. Ke seo a leng sona, trinita; matla a trinita, moqhaka oa trinita, pere (o kaletse) ea trinita; ea diofisi, 'ne hape, ua bona, 'ne hape. Ho lokile.

208 Makhathe a mararō a tšebetso ea hae, a mo etsa motho a le mong, Satane nameng. Makhathe a mararō a tšeb- . . . antikreste, moporofeta oa bohata, le sebata. Boraro boo, bo bapisang, ua bona. Joale lipapiso tse tharō, joale, mono li mo etsa hoo.

209 Molimo, Molimo o Itsebisa, hape, ka metsi, Mali, Moea; ho etsa Mokreste mora oa Molimo, ka Lentsoe la Molimo. Ua bona? 'Me matla a mararō *ana* a mo etsa diabolosi. Ua bona? Oh, Ana a mona, ke metsi, Mali, le Moea, e leng a Molimo. 'Me *ana* ke dipolotiki, borapeli, le matla a bademona, a tsoakiloe 'moho, a mo etsa diabolosi.

210 Ho tla ha Kreste la ho qala, e le ka tlhaho. O tla hararō. Kreste ke tharō. Ua bona? (Le shebe kamoo a tlang; eèna ke 'ne.) Shebang Kreste. Ho tla la pele, O tla e le ea shoang, ho fopha mali le ho shoa. Na ho joalo? Ke ho tla ha Hae la pele. Hō tlang labobeli ke Hloibilo; re kopana le Eèna libakeng, ho se shoe. Ho tla ha Hae laborarō, Ke Molimo ka nama. Amen! [Moena Branham o opa liatla tsa hae hang—Mong.] Molimo, Emmanuele, ho busa holima lefatše! Ke hantle, hararō feela.

211 Lekhathe la bone la mokalli, shebang. Lekhathe la bone la mokalli enoa le bitsoa Lefu. *Lefu* le bolela "karohano ea Bosafeleng hole le Molimo." Lefu le bolela hoo, ho arohana le Molimo ka Bosafeleng.

212 Joale, haeba re pepesitse thaka lena, tlelase, haeba re supile ka Bibe, hore thaka leo ke mang; re bile ra nka le maralla, le sebaka le hohle, karoloana efe le efe, ho theoha hantle. 'Me joale o bitsoa, ke ntsu, "Lefu." Ke seo A 'mitsang sona. Hopolang, mona, ua bona, lefu ke karohano ea Bosafeleng.

213 Hopolang, bahalaleli ha ba shoe. Ba robala, e seng ho shoa. “Ea utloang Mantsoe a Ka, a lumela ho Ea Nthomileng, o na le Bophelo Bosafeleng.” Ke hantle. “A ke ke a tla kahlolong; o tlohile lefung ho ea Bophelong. Ke ’Na tsoho le Bophelo,” Jesu o boletse. “Ea lumelang ho ’na, leha a shoele, o tla phela. ’Me ea phelang ’me a lumela ho ’Na a ke ke a shoa le ka mohla.” Lazaro, o shoele? “O robotse.”

214 “Se tšabeng, ngoanana ha a shoa, o mpa a robotse.” Ba Mo tšeha. Na ho joalo? Oh, khili! Ua bona, bahalaleli ha ba shoe.

215 Karohano le Molimo ke lefu, lefu la Bosafeleng. ’Me thaka lena le bitsoa “Lefu,” suthelang ho le eëna ke hona. Ke eng? Hlophiso, tsamaiso e hlophisitsoeng; ea pele, khetlo la pele, kereke, hlophiso, mohla a ne a amohela e—e kutloisiso ea Konstantine, mane Nicaea Council.

216 Re hlahisitse basali bao, maobane bosiu, ra bontša kamoo Eva, monyaluoa oa pele, le pele monna oa hae a mo fihlela, a tlola, ka ho se lumele Lentsoe la Molimo Edene. Monyaluoa oa semoea ea tsoetsoeng ka Letsatsi la Pentekosta oa Kreste, le pele A ka mo fihlela, ha etsahalang? O sitiloe, mane Roma. Eng? A tšela bohloeki ba hae ba Lentsoe, bakeng sa tšomo. Amen. Oh, khili!

217 Ke—ke—ke utloa hlasimoloho e boelang e nkapara, e, monghali, ho e nahana. . . Ha ke bue ka ho itšoara bohlangya. Ha ke bue ka hoo. Empa feela ke. . . Ha le hlokomele na seo se nketsang. Ke qetile matsatsi a mane ke luletse taba ena joale. Feela. . . ’me joale ke lokela ho bua taba, hore ke ikutloe ke le motho hape. Le tseba seo ke se bolelang. Yaa. Ho lokile. Ho qala u bua joalo, u se u bona lipono li hlaha holima nqalo hohle. Ke hantle. Ua bona, ke bua taba esele ho ikhutlisa hape, ho tsukutloa le ho khutla hape. Ua bona?

218 Na le ntemohile ha ke tšoare mola oa temoho? Ke bua ho hong, ho tšehisa batho; ebe ke bua ho hong, ho llisa batho; ebe ke bua ho hong, ho ba halefisa. Ke se ke bone ntho. ’Me ke tla bua ho hong, ho bona kamoo e itšoarellang, ebe ke sheba mofuta oa leseli le ba okametseng, se etsahalang. Ke tseba moo e leng teng, ’me kea tseba haeba E bitsa kapa che. Haeba e se joalo. . . Ho lula mono, molumeli oa makhonthe, ho lokile. Ebe o a ba bitsa, ho thoe, ho re, “Uena *Sekete-kete*.” Ua bona.

219 ’Me ha u theoha, Moea o qala o tlotsa, u bona ho halima ntho ka mahohle, ua bona, ka mokhoa oo, e likoloha, le ho likoloha phaposi. Ka hona, ke bua taba esele, ho qalisa morao hape, ho qala bocha hape, ua bona.

220 Ho tloha Sontaha se fetileng, esale ke lutse ka phaposing feela, ho rapela feela, ke phetho, tlasa tlolo. ’Me kea tseba hore Sena se nêpahetse. Le lumela Molimo. Kea le tseba le etsa joalo. Le tle le shebe mafellong a veke. Uh-huh. Ua bona? Ua bona? Ho lokile. Ua bona?

221 Joale, lefu le bolela karohano ea Bosafeleng hole le Molimo. 'Me le hopole, joale, bahalaleli ha ba shoe.

222 Hopolang, monyaluoa oa hae o ile a fuoa pere e tšehla... Ke bolela, mokalli enoa o fuoe pere e tšehla, ho—ho tsoa ka eona. O fuoe pere e tšehla ena—ena, ho tsoa ka eona. 'Me o ile a kalla pere e tšehla ena, ea lefu. Joale rea tseba hoo e ne e le eng. Rea e tseba e ne e le kereke efe.

223 'Me le hopole, maobane bosiu, e ne e se “seotsoa” feela, e ne e le “m’a lihlola.”

224 'Me re fumane, se mo fetotseng seotsoa, e ne e le seo, mosali eo e leng mosali oa mofuta oo. Ke mpa feela... Ke lentsoe le bataletseng, ho le bua hara letsoele le tsoakaneng. Empa Bibe le rialo, ua bona. Ka hona, ha ho le joalo, rea elelloa hore ke—hore ke mosali ea phelang a hloka botšepahi likanong tsa lenyalo la hae. 'Me ua bona, o tlamehile joalo, o rialo ka bo-eena, o ipitsa, “Mofumahali oa Leholimō.” (Ekabe'ba ke Monyaluoa oa Molimo. Molimo ke Krete.) 'Me re mo fumana a feba, 'me o febisa marena a lefatše, le banna bohle ba ruileng, le banna ba baholo. Lefatše lohle le ile la mo sala morao. Ua bona?

225 'Me ebile re mo fumane a tsoetse barali ba 'maloa, 'me e le lihlola. Sehlola ke'ng haese seotsoa, ntho e tšoanang; mofebi, mafebe, bobbe, bohloa, bo etsoang. Ba entse'ng? Ho hlophisa, ho rala tsamaiso, ho ruta litsamaiso tse raliloeng ke batho, Pentekosta le sehlopha sohle!

226 Joale, u se lumelle letsoalo la hao—la hao ho oela kahara pokotho ea hao, Pentekosta. E re ke u bolelle taba. Tloo re e tjamele hantle sefahlehong. Nako e re siile re tlase tseleng joale, ho 'na re honyetsa litebele. Shebang mona.

227 Re phela Mongoaheng oa Kereke ea Laodisea. 'Me e ne e le mongoaha kereke o bosaoana hara eona, o fofo, oona feela oo Krete a leng kantle, a leka ho kena kahare. 'Me oo ke molaetsa oa Pentekosta o tsoang, ha thoe, “Ke morui!” Moshanyana, u ne u le mofutsana, pele. Joale u hlile u ruile, u a bona. “Ha ke hloke letho!” Le—le, oh, seo u nong u le sona!

228 O itse, “U feela, malimabe, sefoku, mofutsana, malimabe, 'me ha u tsebe.”

229 Joale, hola motho a hlobotse, ka ntle koana seterateng, 'me a tseba, khele, a ka leka ho ithusa. Empa haeba a—haeba a sa tsebe, 'me u sa khone ho 'molella taba e fapaneng, ekabe'ba o maamong a mabe. Molimo a mo hauhele. Hantle. Lemohang. Oh, khili!

230 Joale, le hopole, antikreste enoa, ka sebele, e leng monna; monyaluoa oa hae, e leng kereke ea hae, “o filoe sebaka sa ho baka, 'me o sitiloe,” kahara mongoaha oa kereke eo, Thiatire. Le sa e hopola na? Na le ka... .

231 Be, ha re khutleng motsotso feela. Re ke ke ra hlabehisoa ke ho khutlela morao motsotso feela. Ha re khutleleng morao,

bakeng sa khaolo ea 2, motsotso feela. Re e bala feela, khaolo ea 2 ea . . . joale, Thiatire. Joale shebang sena, ka potlako feela joale. Khili, nako ea rōna e koalang e batla e fihlile, 'me ha ho eso qaloe. Empa, lemohang, Thiatire. Joale, e qala ka temana ea 18 ea—ea kaholo ea 2.

. . . ngolla lengeloi (eo ke moromuoa) la kereke ea Thiatire; Ke tsena tse boleloang ke Mora oa Molimo, eo mahlo a hae a leng joaloka likhabo . . . le maoto a hae a tšoanang le eona koporo e benyang;

Ke tseba mesebetsi ea hao, le lerato la hau, le tšebeletso ea hau, le tumelo ea hau, . . . mamello ea hao, le hoba mesebetsi; le hoba uena ea hao ea morao . . . ea hao ea morao e fetisa ea pele.

Empa ke na le litaba tse seng kae tseo ke li nyatsang ho uena, ke hobane u lumella mosali eo Jesebele, . . .

232 Ke lōna bao. Lea mo tseba, ka hara Bibe. E ne e le mohatsa Akabe. 'Me mosali ke enoa, kereke, Jesebele, mohatsa moporofeta oa bohata, ea bitsoang moporofeta oa Molimo oa makhonthe, mopapa; hantle, moporofeta oa makhonthe le mohatsa'e, Jesebele. Joale, Akabe o ne a tlamehile e be Mojuda oa makhonthe, empa e le molotsana, le tseba seo, hobane mohatsa'e o mo huletse hohle moo a batlileng. Re fumana, Jesebele a nka chelete ea hae 'me a laola lintho tsena ka boithatelo ba bona, hape.

. . . ea ipitsang moporofeta, (ua e tšoara?), ho ruta le . . . kokobetsa bahlanka ba ka (ua bona, thuto eo ea Jesebele e ne e hohotse naha) hore ba tle ba etse bohloa bo bongata 'me . . . je lintho tse hlabetsoeng nqa melimo ea bohata.

. . . ke mo file sebaka sa ho baka (ua bona?) bohloeng bo bongata ba hae; empa ha a ka a baka.

233 Shebang temana ena e hlhlamang.

. . . ke se ke mo tla lihela liphatang (ke lihele), 'me ba febileng le eena ke tla ea ba kenya litlokotsing, . . . (Mono ke ho kena Matšoenyehong a maholo. Ha se Kereke, joale). . . ha ba sa baka liketsong tsa bona.

234 Joale shebang, mona.

. . . ke tla bolaea bana ba hae (lihlola tsa hae) ka lefu (lefu la moea); . . .

235 Lea e lumela na? [Phutheho e re, "Amen."—Mong.] Leo ke Lentsoe. "Ke tla ba bolaea ka lefu." 'Me haeba ba bolailoe, ba arohantsoe ka Bosafeleng. Ho lokile. Le hopole, O mo file sebaka sa ho baka.

236 Mongoaha oa Thiatire e ne e le mongoaha o lefifi. Mokalli oa pere e lefifi o ne a kaletse nakong eo, mohla ho neng ho lefisoa limmissa le ntho tsohle, le lithapelo, le—le dinovena, le joalo-joalo.

Joale bonang pere ea hae ntšo, ke hona, ka mora hoba a hane ho baka Thiatire, (eng?) o tlohela ho kalla pere e 'ntšo ho ea ho e tšehla, lefu, bakeng sa tšebeletso ea hae ea ho qetela.

237 Joale, mona nka tšoha ke hlokōla motho. Ho hana Molimo, ho hana pitso ea Molimo, ka mohla o mong u tla e etsa la ho qetela. 'Me, joaloka ha kereke e entse, ho felile. Molimo, mamello, e ke ke ea 'na ea tiisetsa motho. Ua bona?

238 'Me eitse ha a E hana, a hana ho E amohela, eaba o a fetoha 'me a tloha. . . Joale o na le lebitso le bitsoang "Lefu," karohano. Molimo o itse, "Ke tla bolaea bana ba hae, Maprotestanta, 'me Ke tla bolaea e mong le e mong oa bona ka karohano ea Bosafeleng." Ke lōna bao, Mongoaha oa Thiatire, mogoaha o lefifi. Joale pere ea hae e ntšo e fetoha lefu, tšebeletsong ea hae ea ho qetela.

239 Le bona kamoo mengoaha ea kereke e nyallanang le Litiiso? Ka ho phethahala feela. 'Me rea tseba hoba E nēpahetse. Moea o Halalelang ha o etse phoso. O re file nētefaletso e khōlō, khetlong la ho qetela, mohla re neng re phethela mengoaha ea kereke morao mane, ua tseba.

240 Na le bona lerato, mamello ea Molimo! Pele A mo lihela kahloho, O mo file sebaka sa ho baka. 'Me taba ena ke e bua ka Lebitso la Morena: O file kereke ea Protestanta eona ntho eo, 'me e hanne. Molaetsa o sisintse hohle, 'me e hanne. O tla ikhethela litšomo tsa hae le litumeloana, ha ke tsotelle na u ka E hlalosa ka thata hakae.

241 Joaloka ha ke buile mona Chicago, tsatsi le leng, ka pela bareri ba fetang batho ba lutseng mona! 'Me keha ba ntsoakelitse chebeleng, mabapi le Thuto, peō ea noha le ntho ena eohle. Ka re, "Motho a late Bibehe ea hae, a tli' o ema lephakong la ka mona." 'Me ha ho motho ea kileng a bua.

242 Tommy Hicks a re, "Ha ke—ke eso utloe taba Eo ka mokhoa oo pele, Moena Branham. Ke batla liteipi tse makholo a mararō tsa eona. Ke tli' o li romella bareri ba ka bohle."

243 Ba ka bang mashome a mahllano, kapa ba mashome a supileng a metso e mehlano, ba itse, "Ke tla theoha ho kolobetsoa bocha." Na ba kile ba tla? Ha ho le a mong oa bona. Hobaneng? O ba file sebaka sa ho baka! 'Me O tla lahlela bana ba lōna lefung, lefu la moea.

244 Re tla e thonaka hosane bosiu, ha Morena a ratile, kapa Moqebelo bosiu, mabapi le Likotlo tseo tse haolang. Le shebe se hlahang mono.

245 Joaleka ha A file Egepete, O file Egepete monyetla oa ho baka. 'Me kotlo ea ho qetela ebile efe? Ebile lefu.

246 Ke eona kotlo ea ho qetela e otlileng kereke ea Pentekosta, ke lefu la moea. E shoelé. Mono ke ka Lebitso la Morena. E shoelé moeeng. O e file sebaka sa ho baka, 'me e Se hanne. Joale e shoelé. E ke ke ea hlola e tsoha.

247 'Me batho ba kantle mono, ba lehang ho kenya Maepiscopaliane le baprista, le ba joalo, ba ba bitsa, "Ntate ea Halalelang *Sekete-kete*." Khele, ba tlameha ho itšoabela. Motho a ka fofala hakae! Na Jesu ha bolele? Mohla moroetsana ea robetseng a tlileng ho reka Ole, ha a ka a E fumana!

248 Mang le mang, le utloa batho ba reng, "Ke fumane Moea o Halalelang. Ke buile ka lipuo." Empa ha ba batle ho atamela kereke e kang ena. "Oh, ua tseba, ha ke lumele ke batla ho atamela sebaka se kang seo." 'Me ebe u re u na le Moea o Halalelang?

249 Empa u batla litsela tsa hao tsa seriti. U batla ho lula Babilona o ntse o thabela mahlohonolo a Leholimō. U tlameha ho ikhethela. U ke ke ua lula kantle lefatšeng 'me ua sebeletsa le Molimo ka nako e le 'ngoe. Jesu o itse u ke ke ua sebeletsa Molimo le mamona. Ka baka leo haeba u sa lebele. . .

250 Haeba u hlile u bolokeha, u tla thabela likopano moo Moea o Halalelang o inètetsanang ka sebele sa Oona ho bontša hore Lentsoe la Molimo le joalo.

251 Motho o itse, "Batho ba hloliea haholo. Ke ferekana haholo." U tla ferekana ha u ka fihla Leholimōng. 'Me ak'o nahane feela, ha bao bohle mono, le reng ka eona? Oh, khili! Kamoo Morena a batla ho fumana. . .

252 Mamello ea Hae e telele, joaloka ha A entse matsatsing a Nohe. O ile a leka ka thata. A mamella halelele, lilemo tse lekholo le mashome a mabeli, hore ba bake. Ba mpa ba hanne.

253 Matsatsing a Egepeta, O rometse likotlo le ntho eohle. Ba hanne.

O rometse Johanne. Ba mpa ba hana ho khutla.

254 O rometse Jesu, ho shoa, ho pholosa sehlopha sohle se tlang ho utloa Lentsoe.

255 'Me joale, matsatsing a ho qetela, O tšepisitse hape A tla romela Molaetsa ho Mo bitsetsa kantle, ho E khutlisetsa Tumelo ea mantlha, morao Lentsoeng. 'Me ha ba Le amohele. Ba haretsoe ke litšomo, ba kahara litšomo tsa bona le litumeloana, ba sa ntse ba Le hana. Oh, ba nahana hore holane ba ka fumana e. . . hola Lengeloi le ka theoaha; empa Molimo ha o sebetse joalo.

256 O nka ntho e itseng e sa balang e sethoto, ntho e batlang e sa tsebe ABC tsa hao kapa—kapa ntho efe. 'Me O nka motho oa mofuta oo, hobane A ka nka ntho e seng letho ho sebetsa ka eona. Mohla ntho e ikhopolang e le letho feela, ke hona mohla ba sa khoneng ho etsa letho. O entse joalo ka mehla. U tlameha ho fetoha ha ho letho, ho fetoha motho ea itseng ho Molimo. Oh, khili!

257 Lemohang, le joale, "O mo file sebaka sa ho baka, empa o hanne."

258 O e entse hape; o ntse a hana. Khano ea hae, tsela, e mo fetola. . . Kapa, khano ea hae e betlela Satane tsela e phethehileng ho kena ho eèna le ho etsoa nama. Ke hantle. Ho ketsa nama ka hare ho eèna, kaha a hanetse Lentsoe. 'Me kereke ea Protestanta e fetoha ntho eona eo hantle, sehloa, ke kahobane e hanela 'Nete nètetalitsoeng ea Lentsoe la Molimo, hoo ho fa diabolosi monyetla oa ho kena hantle kahare ho iketsa nama. 'Me o tla etsa setšoantšo sa sebata mohla ba etsang setlamo 'moho, hantle koana hona joale, ho tsamaea hantle e ipapisitse le seo A se buileng. Ke hantle. Amen.

259 Holane ke na le thuto, ke be nka E hlahisa. Ha ke na thuto ea letho. Ke mpa ke lebeletse Moea o Halalelang ho le senolela Eona. 'Me O tla etsa joalo, ho bao ba. . . Ke hantle. O tla e etsa. E. Lemohang.

260 Shebang mokhoa, seo e se entseng mona. E hanetse Molaetsa oa Molimo hore e bake. E qalile, e le antikreste, 'me ke sona seo e neng e le sona. E tlile, e le moporofeta oa bohata, diabolosi ka nama, 'me, mohla e ne e etsa joalo, ka thuto ea eona ea bohata. Eaba, holima tseo tsohle, Molimo o mo fa sebaka sa ho baka, ho leka ho mo finyella.

261 Na le bona mamello e kaalo? Lerato le le kakang! Ha ho lerato le kang leo! Shebang bao, esitile ba Mo k'hoefile sefahleho ka mathe, O ba tšoaretse. Ke Molimo oo, ua bona. Le se ke. . .

262 Ho hanela Molaetsa oa Molimo! Bonang, o kopiloe ho baka, ho khutlela moo a oeleng teng.

263 'Me o oele kae? Lentsoeng. Hantle. Eva o oele ho eng? [Phutheho e re, "Lentsoe."—Mong.] Lentsoe! Mokhatlo oa bolumeli o oele kae? ["Lentsoe."] Ke lōna bao. Ua bona? Ha ho mokhoa o mong. Feela, nako le nako, ke ho khutlela hantle Lentsoeng, hantle morao Lentsoeng. Ua bona? 'Me ba iketsa setlamo le tsamaiso e ba mathisetsang hole le Lentsoe, ho ba mathisa ba sutha Lentsoeng sebakeng sa ho ea Lentsoeng. Lemohang.

264 Bonang, eaba o fuoa sebaka sa ho baka, ho khutlela morao. *Baka* ho bolela "ho khutlela morao, ho retoloha, ho phikolosa sefahleho." *Baka*, "khutlela morao." O ile a fuoa sebaka sa ho khutlela morao moo. . .

265 Joale le hopole, e ne e le ea mantlha, Kereke ea pentekosta eo Moea o Halalelang o tšolohetseng holima eona, ka Letsatsi la Pentekosta. Ke baithuti ba bakae ba Bibe le ba tsebang seo? Ehlile, e ne e le eona. Na le bona moo e tlohileng teng? E oele Lentsoeng, ea amohela litšomo. E lebeletse. . . Sebakeng sa Moea o Halalelang, e batlile monna ea halalelang, "Ngaka LL., Ph., Q.U." le ho iketsetsa mopapa. Ua bona? Ehlile. Empa, eona, ke sona seo e batlileng, motho ea mo rapellang. Motho e mong. . . O lefa chelete ea hae feela, 'me ke phetho seo e neng e tlameha ho se etsa. Ua bona?

266 Joale, ho a tšoana le kajeno. Ha feela ba fumane setulo sa ho lula, ho lefa haholo sejaneng sa monehelo, ho lekane haholo. Ke setho sa kereke eo. U se ke ua ba bolella letho ka Lona; ha ba batle ho tseba. Ke barali ba hae bao.

267 Joale, o oele ho kae? Ho oa Lentsoeng la mantlha la baapostola ba boastolike le baporofeta. Ke hona moo a oeleng teng. Ke hona moo Protestanta e oeleng teng.

268 Baka! Khutlela morao! Khutla pele nako e feta. Nako ha eso fete hakaalo. Le leng la matsatsi ana Konyana e tla tloha sebakeng sa Eona, 'me ho tla be ho felile. Le barali ba hae ba koptjoa hona joale, pele ba ahloloe le eëna, ho "khutlela morao."

269 Joale, Molaetsa oa ho qetela oo ba o fumanang, ke mehleng ea moporofeta enoa eo esale ke bua ka eëna. Etsoe, ke balile libuka tse ngata mabapi le eona. 'Me ke tseba banna ba makhonthe, ba lokileng, ba seli, ba nang le mohopolo oa moea ba tseba hore e tla fihla. Ba tseba seo. Ba tseba hore e a tla, ua bona. Bao. . . Empa bothata ba eona, ke bona, ha ba khaotse ho re, "Rea e hloka. E tla fihla." 'Me mohla E fihlang, ba tla be ba ikokobelitse hakana; ba ka tšoha ba E fosa joaloka ha ba entse nakong e 'ngoe. Ke hantle. Batho ba ngola ka Eona, le ntho eohle, ho thoe, "Oh, e, e a hlokahala." 'Me ebe E hlahisoa hantle pela bona, 'me ba tsoelapele hantle, ua bona. Ka baka leo, esale ba etsa joalo.

270 Shebang joale, Lentsoe la mantlha. Ba re-. . .bao. . .O tlamehile ho baka, ho khutlela morao, le joale, barali ba hae ba koptjuoe joalo. Ho qophelloa. . .ba tla ahloloe, ba lahleloe liphateng tsona tseo 'me ba bolaoe le eëna. Ba kopiloee ho khutlela Lentsoeng la mantlha, ho khutlela Thutong ea boapostolike. Empa, ba haretsoe ke litumeloana tsa bona le lintho hakana, ba ke ke ba e etsa. Ba mpa ba E soma feela.

271 Hape ba etsa'ng? Qetellong ba ipopa ka hara setšoantšo sa sebata, matla a mang; lemohang, ho etsisa hoo, ho Monyaluoa oa Konyana, joaloka ha a entse ho Tšenolo 13:14. Ke sona seo ba se etsang, ho hlorisa feela, ntho eona eo hantle. Likereke li soma Monyaluoa oa Krete oa makhonthe, joaloka Roma ha e 'nile ea etsa. Hantle feela. E, monghali. Boitšoaro nqa ho—nqa ho Monyaluoa oa Konyana oa makhonthe bo itšoanela le ba Tšenolo 13:14.

272 Joale lemohang. Rea bona, ka Lentsoe la Molimo la pallo, hore O tla—O tla bolaea bana ba hae, mekhatlo ea malumeli, barali ba hae, ka lefu la moea. Joale, mono ke Tšenolo 2:22. Le se ke la e lebala. Ho bolaea, ke ho timetsa ka lefu. 'Me lefu ke "karohano ea Bosafeleng hole le Sefahleho sa Molimo." E nahaneng, metsoalle. E nahaneng. U se ke ua tšepa litumeloana life tse entsoeng ke motho. Ntho efe e khahlano le Lentsoe, suthela hole le eona.

273 Joale shebang, shebang ka hara Bible mona. Ke itse lebitso la hae e ne e le Lihele, 'me. . .ke bolela:

. . . lebitso la hae e le *Lefu*, a latetsoe ke lihele ka morao.

274 Joale, lihele li latela lefu ka mehla, ka tlhaho. Ha motho oa tlhaho a eshoa, lihele li mo sala morao; leo ke lebitla, hadese, ua bona, mono ke ka tlhaho. Empa ka moea, ke Letša la Mollo, ua bona, ho lokile, ho kena karohanong ea Bosafeleng, moo ba chesoang teng.

275 'Me—'me Malakia 4 o itse, "Ho se hlole ho sala ho bona latlakala, kapa lekala, kapa letho le joalo." Ke mokhoa oo lefatše le boelang le itlhoekisa hape, bakeng sa Lilemo tse Sekete. Ua bona?

276 Na le lemohile, mokalli ke "he"? 'Me "he" o na a tšoere letsohong la "he"; "monna," moporofeta oa bohata. Empa monyaluoa oa hae o bitsoa kereke, "she," Jesebele. Akabe; Jesebele. Khele, e phethahetse joaloka ntho efe. Ua bona? Ua bona?

277 *Barali* ke "she," le eëna, empa ha ba amohela ketapele ea monna a le mong; Maprotestanta, ebile, feela ke lihloa ka molao, ka thuto ea bona, mokhatlo oa bolumeli, tsamaiso. Ke feela. . . Ke seo e se buang.

278 Lemohang. Hona hohle ho habile kae? Joale, re saletsoe feela ke metsotso e ka bang leshome le metso e 'meli, e leshome le metso e mene mona, kea kholoa. Shebang moo ntho eohle e habileng teng. Ke eng? E khutlela morao hantle kamoo e qalile, 'me e qalile Leholimōng. E habile ntoea ea nako ea qetelo.

279 Ntho ea pele, Leholimōng, e bile ntoea. Lusifere o ile a lelekoa, 'me a tla lefatšeng. Eaba o silafatsa Edene; 'me esale a silafatsa ho tloha mohlang oo. 'Me joale, ho tloha ntoeng ea Leholimō, e habile ntoea e holima lefatše; 'me e tla qetelloa mono, holima lefatše, nakong ea qetelo, ka ntoea e bitsoang Meggidone. Joale, mang le mang o a e tseba. Ntoea e qalile Leholimōng, khalalelo, eaba ba mo rahela kantle. Mikaele le Mangeloi a Hae ba mo phethola, a lelekoa. 'Me hoba ba etse, ea oela hantle tlase Edene, 'me ntoea ea qala hantle mona fatše. Ho kopana. . .

280 Molimo o no o hahetse bana ba Oona qhobosheane ka Lentsoe la Oona. Eaba Eva o thamolla molala oa hae, ho re, "Kea kholoa o nèpile, mohlomong." 'Me eaba ke phetho e a tloha. 'Me ho bile joalo, ho tloha mohlang oo. Eaba Molimo o a theoha, 'me joale O tlameha ho. . . O ile a theoha ho lopolla bao ba ka theohelang fatše.

281 Joaloka ha ke buile, Molimo o tšoana le rakontraka e moholo. O ala libelisoa tsa Hae tsohle holima lefatše, 'me O haha meaho ea Hae. Joale le hopole, le pele hlaku ea—ea peō e fihla holima lefatše, le pele letsatsi le chabela lefatše le ka mohla, 'mele oa hao o ne o robetse holima lefatše, hobane u lerōle la lefatše. Ua bona? U lona. Molimo ke rakonteraka.

282 Joale, kamoo A neng a tla e sebetsa kateng, e ne e le ho kha le ho tšoara (joaloka ha A entse ho Adama) bohashana ba k'halsiamo, pothashe, le leseli la k'hosmiki, 'me, "Whew!" Ho re, "Mora oa Ka e mong ke eo." Ua bona? Ebe O boela a hlahisa ho hong ho feta-fetang, 'me, "Whew!" "E mong ke eo."

283 Empa eaba Eva o etsa'ng? A silafatsa tsela eo. 'Me a sotetsa ketso ea tsoalo, eaba e otloa ke lefu.

284 Joale Molimo o etsa'ng? O babaletse lipeō tse ngata tseo ka tlase ka mono, e leng tse reriloeng-pele; tse kana, tse reriloeng-pele. 'Me hape, nakong ea qetelo, A ke ke a re, "Eva, tloo u hlahise ngoana e mong." O tla ("Whew!") ho bitsa, 'me ke tla araba. Ke phetho. Ke eona. Ke oona mohopolo oo. Mohla oa ho qetela a kenngoang, ke phetho.

285 Joale, ntoa e qalile Leholimōng. E tla qetelloa lefatšeng, ka tšobotsi ea Meggidone.

286 Joale ha re shebeng 'me re e bone ha e phutholoha. 'Me ekaba re ka e phutholla. Molimo a re thuse hona joale ho phethisa sena joale. E shebelleng ha e phutholoha.

287 Mokalli e mohlolo, le shebe seo a se etsang joale; "ho hanetsa," ho hana ho baka le ho khutlela morao Lentsoeng la mantlha la Mali. Lentsoe le ne le fetohle Mali le nama. Ua bona? O hanne ho khutlela ho Lona. Ke antikreste! Monyaluoa oa 'nete oa Lentsoe, o opp- . . . o hanela Monyaluoa oa 'nete oa Lentsoe. O ikhethela monyaluoa oa hae! O hanela Monyaluoa enoa oa 'nete, hape. 'Me o ikhethela monyaluoa oa hae ka sebele, 'me o mo tlisa ho eèna, ka sebopeho sa borapeli bo bitsoang litumeloana le litšomo. U bona? 'Me joale, ua bona Monyaluoa ea halalelang, o khahlano le Eèna. Empa o ipopela monyaluoa oa hae, ea bitsoang antikreste, ka thuto e antikreste, e khahlano le Kreste. Na le bona masene a hae a makakang? 'Me joale, seabakeng sa ho kopana ka lerato, le laolang, ho rapela tlasa Mali, o na le mokhatlo oa bolumeli. Sebakeng sa ho nka Lentsoe, o nkile litumeloana, litšomo, le lintho tse joalo.

288 Ho a tsoana, le Maprotestanta a re, "Tumelo ea Baapostola." Ke batla hore le fumane lentsoe la eona ka hara Bibeletse. Moapostola, Tumelo ea Baapostola ha e fumanoe ka hara Bibeletse.

289 Ho joalokaha ke buile, joale, nakoana e fetileng, kapa nqa e 'ngoe. Haeba ba baapostola ba kile ba fumana tumelo, ke Liketso 2:38. Ke mo tsebile a tšoare ntho eo feela. Ba ile ba biletse batho bohle ho etsa hoo. Mohla a fumanang e mong oa bona a batla a tšoana le Bakreste, o itse, "Na u amohetse Moea o Halalelang ho tloha u lumetse?"

Ha thoe, "Ha rea tseba ho e na le . . ."

Ha thoe, "Athe le kolobelitsoe joang?"

290 Joale, ho kolobetsoa ka Lebitso Jesu, kapa ka Lebitso la Morena oa rōna Jesu Kreste, ke rialo, hoo, ho itoketse, empa ha

se phetho le joale. Che, monghali. U ka kolobetsoa ha mashome a mahlano, ka mokhoa oo, ha e thuse letho ho fihlela pelō eo e fetotsoe ke Moea o Halalelang. Ntho eohle e tlameha ho khema 'moho. Lemohang, ke—ke Kreste!

291 Antikreste o hana Thuto ea Monyaluoa oa 'nete, 'me ka baka leo o ikhethela monyaluoa oa hae joale 'me o a mo bopa, tlasa tumeloana ea hae ka sebele. Ho ikhethela monyaluoa oa hae ka sebele o mo fetola mokhatlo oa bolumeli! O tsoala mekhatlo e meng ea bolumeli, joaloka ha Mangolo a Halalelang ana a hlalositse; ho tsoala barali. 'Me ha a... O futsa 'ma'e hantle, ka tlhaho, selefatše, ka mokhatlo oa bolumeli; ho ema khahlano le Monyaluoa oa moea, Lentsoe.

292 Ha ba hane hore ke litho tsa kereke. Ha u qoqa le motho oa mokhatlo oa bolumeli. "Ehlile, ke setho sa kereke." Na u Mokreste? "Ke setho sa kereke!" Ha e amane le Eona ka letho! Ba re... Ha u setho sa Ker-... Uena, u ka ba setho sa eng le eng e reiloeng kereke, ua bona, ho ba setho sa kereke. Eo ha se Kereke. Tseo ha se Likereke. Tseo ke diloje moo batho ba phuthehang 'moho, batho joaloka, "nonyana tsa 'siba le le leng."

293 Empa u Kereke e le 'ngoe feela, 'me ke 'Mele oa Kreste oa sephiri. 'Me ha u ingolise nthong Eo. U tsoalloa ho Eona.

294 Ke khafetsa ke re, ke bile setho sa lelapa la Branham lilemo tse mashome a mahlano a metso e merarō, 'me ha ke eso ingolise ho lona. Ke tsoaletsoe ho lona. Ua bona?

295 Joale lemohang. E bapisitsoe ka botle feela. Ke—ke tšoare e... Lengolo le ngotsoeng mona, empa ke... ha re na nako ho le phetla; ho tšoana le Esau le Jakobō.

296 Joale, Esau e ne e le monna oa morapeli. A sa ipitse mosalumele. A lumela Molimo o le mong le oa Jakobō, oona Molimo oa ntata'e. Empa e ne e le senokoane, kapa le ka tšoarella tlhahiso eo, feela... A sa loka ho hang. O—O ne a, joale, ho latela boitsoaro, ebile e—e le monna ea itšoereng ho feta Jakobō. Empa, ua bona, o ne a sa nahane... "Oh, tokelo eo ea boholo e amana kae le Eona?" 'Me ebile o reka ka tokelo ea boholo ba hae ho Jakobō. Ua bona?

297 Empa, Jakobō, a se na lintho tse khōlō, joaloka Esau. A sa rua lefa le kang la hae. Empa Jakobō a batlile ntho e le 'ngoe, tokelo eo ea boholo. A sa tsotelle kamoo a loketseng ho e fumana; o tla e fumana. 'Me Molimo oa mo hlompha ke hona.

298 'Me, hape, ho a tšoana le kajeno, ka motho oa tlhaho, kelello ea nama, e sekametseng lefatšeng. "Be, ke setho sa kereke ea 'muso. Ke setho sa kereke *ena*. Ke setho sa *hoane*." Ha e amane le Eona ka letho, le letho.

299 Shebang, joale o ba phutha bohle joale ho ba hloesa pere ea hae e tsoakileng mebala. O ntse a ba phutha 'moho, holima pere ea hae e tsoakileng mebala, hobane matla a dipolotiki ke a hae.

300 Ha le lumele hoba o a ruile? Mopresidente enoa o kene joang hona joale feela? Taba eo e theletse joang le ka mohla? Uh-huh! Ho tla koano ho fumana tokoloho ea borapeli; 'me lōna sekhakhatha sa mademokrate se rekang ka tokelo ea tsoalo ea lōna boholo ka dipolotiki! Ha ke...Mokha oa demokrate o itoketse; e bolile bobeli ba eona. Ke bua ka Bokreste. Empa le reka ka litokelo tsa tsoalo ea lōna, ho amohela setlankana sa modemokrate, ho kenya ntho e kang eo. Ha le soabe!

301 Na ha le lemohe hobane sechaba sena, ka tsoanelo, se bapisitsoe le Iseraele? Iseraele o entse'ng? O tlile naheng esele, a hapa baahi a ba bolaea kaofela, a kena ho rua lefatše. Re entse joalo; Maindia. Ke eèna feela Moamerika oa makoma ea leng teng, ke metsoalle ea rōna Leindia.

302 Eba ba etsa'ng? Iseraele ea fumana banna ba 'maloa ba baholo. Ntho ea pele lea tseba...Ba fumane Davida, ba fumane Solomone. Ba fumane banna ba baholo. 'Me qetellong ba fumana molotsana holimo mono, Akabe, eèna a nyala Jesebele, mosalumele.

303 Be, le rōna re entse joalo. Re fumane Washington le Lincoln, empa le shebe seo re se fumaneng joale. 'Me qhang-qhang ea eona, ke eona, o nyetse, o tahilo e 'me boea ba hae bo takiloe ke Jesebele. Koana ekaba ke mothaka e itoketseng, empa mosali eo o tla laola litaba. 'Me hona joale ua bona, lelapa lohle le a kena.

304 Moea o Halalelang o mpoleletse'ng, lilemo tse batlileng ho ba mashome a mararō a metso e mehlano tse fetileng? 'Me lōna bohle mekaubere lea e tseba, mabapi le lintho tse supileng tse tla hlaha pele ho bofelo. 'Me ena ke ea ho qetela, e eteletse ea ho qetela, e tlang ho tla. Ntho eohle e otlile botsekeng hantle, esita le lintoa le ntho efe esele. Ua bona? 'Me joale se matsohong, mosali, ea tla busa sechaba. Jesebele! Ua bona?

305 Empa, hopolang, mehleng ea Jesebele, motho e mong o hlile a ba joela mebala ea bona. Ua bona?

306 Ho phutheha, holima pere ea bona e tsoakileng mebala. 'Me, ua bona, o ntse a bokella ntho ena 'moho, e tsoakiloeng le litumeloana, mokhatlo oa bolumeli, lithuto tse entsoeng ke motho. Na ho joalo? [Phutheho e re, "Amen."—Mong.] Ehlile, 'mala o tsoakiloeng, 'mala o tsoakiloeng oa bafu, pere e tšehla ea lefatše! Joale, ke hantle. Mebala e tsoakiloeng ea bafu, ea sebopeho sa lefatše sa pere e tšehla, oh, khili, ha ho Mali a halalelang a Lentsoe, ho hang!

307 'Me le shebe. Ho tsoa sekhutlong... "Ho tsoa likhutlong tse 'ne tsa lefatše, ba ba phutha; ho ba phuthela Meggidone," Bibe e boletse. Ke ntse ke leka ho nahana Mangolo, ke a ngotse fatše mona. Ha kea bitse; empa feela moo a ngotsoeng teng, ho bona seo a leng sona. "Ho ba phutha 'moho, bakeng

sa letsatsi le leholo la ntoea ea Morena Molimo.” Shebang. Joale, holima pere e tsoakileng mebala ena, ea selefatše, e tšehla, e kulang, nahanang ka eona; ua tseba, eo ke ntho e mpe. Joale le shebe moo a ba bokellang teng, “Ho tsoa likhutlong tse ’ne tsa lefatše.” Hona joale ba phutheha bakeng sa makhaola-khang. Makhaola-khang e tla ba “Meggidone,” ho latela Lentsoe. Ua bona?

³⁰⁸ Holima pere e tšehla, ho e kalla, “Lefu” le manehilo. . . lebitso leo a le qhoaetsoeng “Lefu,” antikreste! Mamelang. Antikreste, mokhatlo oa pele oa bolumeli (e ke ke ea hanyetsoa); ’moho le Jesebele oa hae, seotsoa nqa Lentsoe; le barali ba hae ’moho, le eèna, Maprotestanta; ba ntse ba itlama bonngoe hona joale!

³⁰⁹ Na le utloile puo ea batho ba Baptise tsatsi le leng holimo mona, ua tseba? Huh? “Oh, re ke ke ra ingolisa le bona, empa re tla—re tla tlabola setsoalle ho ngomelana le bona. Ha rea tlameha ho ingolisa kerekeng ea bona, feela. . .” Ke moo he. Ke moo he, hantle feela seo Lentsoe le se boletseng. Ua bona? Ua bona? Sehlola sa khale, le ho qala feela, ua bona.

³¹⁰ Joale ke bana, ba ipokella, ba tobile makhaola-khang ao, Meggidone, ’me ho kaletsoe pere e tsoakileng mebala; pere e ’ngoe e tšoeu, pere e ’ngoe e khunong, pere e ’ngoe e ntšo. A mararō, a fapane: matla a sepolotiki—sepolotiki, matla a semoera, ho laoloa ke matla a bademona, e leng antikreste. Kopanya lintho tseo tsohle ’moho, ’me u fumana selo se sesehla, seo a se kaletseng se shebehang se kula. Hantle. Joale lemoha. Sheba seo a se kaletseng, holima pere ena e batlang e le tšehla, e ’mala o takiloeng boputsoa, bo tsoakaneng le botšo, bofubeli, le bosoeu; ho habilo e ntoeng, ho phutha bahlanka ba hae ho tsoa sechabeng ka seng tlasa Leholimō! Na Daniele ha a koaholla toro, ’me o bone motoa oa tšepe o pholletsa ’muso o mong le o mong, oa Roma? Ke bana ba etla, ba phutheha.

Joale lulang le thole bakeng sa ho koala, motsotso feela, le mamelise ka hloko.

³¹¹ Hona joale ba phutheha ho etsa joalo, ho bokella bahlanka ba hae likhutlong tse ’ne tsa lefatše; a palame pere e tšehla, e kulang, ea mebala e merarō, e tsoakiloeng. Monna eèna eo!

³¹² Joale, ho Tšenolo 19, ha a itlhophise feela, empa Krete o itlhophisetsa ho khahlana le eèna. Ntoa e tla tuka e be e mahlo a mafubelu. Krete, ho Tšenolo 19. Krete o phuthile ba Hae, ha ba tsoe likhutlong tse ’ne tsa lefatše, kaha e tla be e le masalla a a seng makae. O etsa’ng? O ba phutha likhutlong tse ’ne tsa Leholimō. Re tla ba fumana, “mee e tlasa aletare,” hosane bosiu, ’me le tla bona haeba e lokile, kapa che. Likhutlo tse ’ne tsa Leholimō; holima pere e bosoeu ba lehloa!

³¹³ Le Eèna o na le Lebitso, ha se lefu, empa, “Lentsoe la Molimo,” Bophelo. Amen. Ho ngoliloe hantle seropeng sa Hae

mona, “Lentsoe la Molimo.” Ke bona feela Bophelo, hobane Molimo ke mohloli o le mong feela o leng teng oa Bophelo Bosafeleng. Zoe! Ke hantle? [Phutheho e re, “Amen.”—Mong.]

³¹⁴ 'Me O ngoliloe, “Bophelo,” o kaletse pere e tšoeu; 'me monna ke enoa o tsoakile matla a mararō a fapaneng, a bitsoa “Lefu.” O phutha bonkhetheng ba hae ba tlameletsoeng lefatšeng; 'me Krete o phutha bahlanka ba Hae ba tsoetsoeng-se-Leholimō, bahalalaleli. Holima hae ho ngoliloe “Lefu”; Krete holima Hae ho ngoliloe “Bophelo.”

³¹⁵ Ba nang le Eèna le bona ba kaletse lipere tse tšoeu, hape, 'me ba bitsoa, “Ba khethiloeng pele ho motheo oa lefatše.” Amen! 'Me ke batšephehi Lentsoeng. Amen! Whew! Eo kea e rata. “Ba bitsoa, ba khethiloeng, pele ho motheo oa lefatše.” 'Me hape, ke batšephehi Lentsoeng, ka boikhetlo ba bona, bohle ba leolitsoe ke veine e ncha le Ole, ba kaletse hantle feela, ba theoha ho khahlana le eèna. Ba tseba hobane Lialuma li tla re hlahisetsa ntho eo, ka potlako. Ua bona?

³¹⁶ Shebang. O sebetsa joang? Ka baka leo, haeba E le Lentsoe, 'me Lebitso la Hae ke Lentsoe, e tla ba Lentsoe ke Bophelo. Antikreste; ntho efe e *anti* e “khahlano,” ka baka leo *anti* ke “kahlano” le Krete, Lentsoe. Ka baka leo, e tlamehile e be e le tumeloana, kapa mokhatlo oa bolumeli, o leng khahlano le Lentsoe.

³¹⁷ Khele, ha ke bone kamoo le ka e fosang kateng. Haeba u—u utloisisa, ebe u ka e fosa joang? Ha tseba na u tla khona joang.

³¹⁸ 'Me ke 'nete. *Anti* ke “khahlano.” Na ha ho joalo? “Ho fokotsa.” Ke seo a neng a le sona. O kaletse pere ea hae e tsoakiloeng. Re e bone hantle mona ka hara Lentsoe la Molimo.

³¹⁹ Re e bone hantle mono ka hara mengoaha e supileng ea kereke. Ke enoa O boela a e khutlisa ka hara Litiiso, ho e bula a bontša lintho tseo tse hlahileng, tlasa mengoaha ea kereke.

³²⁰ *Anti* ke “khahlano” le Lentsoe. Le bona lebaka, litumeloana, hore'ng re le khahlano le litumeloana le mekhatlo ea bolumeli hakana? Hobane li khahlano le Lentsoe. Ua bona?

³²¹ Mona re bona Bophelo le lefu li loana khetlo la ho qetela. Pere e tšoeu, ea Bophelo ba sebele; pere e tšehla, ea litumeloana e tsoakiloeng. Ba bona ha ntho ena e atamela—atamela makhaola-khang a makhontho.

³²² Joale mona ke batla ho bua ntho e 'ngoe. U ka tšoha u sa e lumele. Empa ke e hlahlobile, ho ikholisa. Mala oa mantlha o mong feela, 'me oona ke bosoeu. Ba e tsebang ba ba kae? 'Mala oa mantlha o mong feela. Ntho efe e sele, e tsoakilo.

³²³ Krete o holima pere e bosoeu bo shoetseng, Lentsoe le sa silafatsoang, ho tloha tšimolohong. Amen! Amen! 'Mala o mong le o mong o ka be o le mosoeu hola o sa qhaqhoa ke k'hemistri ea mofuta. Amen! Thoriso! Kereke e 'ngoe le e

'ngoe e ka be e tsepame le Thuto ea boapostola ea Lentsoe la Molimo, 'me Molimo o Le thasisetsa, hola a se ke a Le tsoaka le litumeloana le mekhatlo ea bolumeli. Ke moo he.

Oh, Moena Evans, ke hlile ke thabile hona joale! E, monghali. E, monghali.

324 'Mala oa mantlha o mong feela, ke o mosoeu. Le khale—le khale ha le eso tsoakane le mekhatlo ea bolumeli kapa litumeloana. Che, monghali.

325 'Me, le hopole, bahalaleli ba Hae ba apere liaparo tse tšoeu, tse sa tsoakoang le mekhatlo ea bolumeli le litumeloana. Joale rea fumana, litumeloana tsa mokhatlo oa bolumeli, mona ke hona moo u fumanang 'mala oa hao o tsoakiloeng. Empa 'mala ona oo A o kaletseng ke oa mantlha. 'Mala oa mantlha o holima batho ba Hae. 'Me ba innoe Maling, a hlatsoitseng seaparo seo, ho e khutlisetsa morao koana. Ua bona? Ke hantle.

Athe bao ba tsoakiloeng, ba fetoha bosehla 'me ba kena lefung.

326 Ke ho khopamisa, khopamiso, ho tsoaka mebala ka bosoeu; u khopamisa 'mala oa mantlha. Ho joalo na? Efèla ha 'mala oa mantlha, 'mala o le mong feela, o le mosoeu, 'me u tsoaka ntho le oona, u khopamisa morero oa oona oa makhonthe. Amen. Na ho joalo?

327 'Me, ka hona, efèla haeba E le pere e tšoeu, 'me E le Lentsoe; joale ke hona, ho tsoaka ntho efe le Eona, tumeloana ea mofuta, ho eketsa lentsoe le le leng ho Lona, ho tlosa Lentsoe le le leng ho Lona, ke ho khopamisa ntho eohle. Oh, khili! Ak' o mpaballe le Lentsoe, Morena!

328 'Nete le phoso! Oh, khili! Ho sa tsotelehe botle bo e. . . 'Nete le phoso li ke ke tsa tsoakana. E ke ke ea tsoakana. Ke HO RIALO MORENA kapa e fosahetse. Ho sa tsotelehe seo ntate ea halalelang a se buileng, Santa Bonifer, kapa—kapa arekabishopo oa Canterbury; ha ke tsebe ea e buileng. Haeba e le khahlano le Lentsoe, ke khopamiso. E ke ke ea tsoakana. Ho re, "Khele, mothaka enoa o entse. . ." Ha ke tsotelle na o entseng, o halalela hakae, kapa ntho e kang eo. *Ena* ke eona feela 'Nete e tsepameng eo re e tšoereng. Ha ho kereke, ha ho tumeloana, ha ea tšoara 'Nete, kantle ho *Sena*.

329 Ak' o mpontše a le mong ea E tšoereng. Feela, ke batla u mpoelle eona. Ke tla phetla leqephe Bibeleng, ke u bontše taba. Ua bona? Ak' o qoholle a le mong. U re, "Pentekostale." Oh, khili! Ke sa tsoa tšoara mohopolo oo o tsoang mothong e mong mono. Ke ka baka leo ke itsalong. Nka mpa ka e tlohela, hona joale, hobane ke e bone e thonkha nqa e 'ngoe mono. Ke ne ke sa—ke ne ke sa batle ho u utloisa bohloko, feela ke—ke ne ke batlile ho u bontša hoba ke tseba seo u nong u se nahanne. Ua bona?

330 Bao ba tsoakiloeng, ba fetoletsoe (ba anti) lefung. Ba fetoha 'mala oa lefu, neng le neng ha u tsoaka ntho ea mofuta ofe le ea mantlha.

331 Ho joaloka ha Krete a buile ka peō ea mosetareta. Koana, ke peō e nyenyane hara tsona, empa ha e tsoakane le letho. Mosetareta ha o tsoakane. Ke mosetareta oa mantlha. Ka baka leo haeba u e-na le tumelo e kaalo, itšoarelle ho eona feela.

332 Lemohang. Bophelo bo latetse, mokalli oa pere e tšoeu, Eèna e ne e le Lentsoe, Bophelo, le nètēfalitsoeng ke bahalaleli ba Hae ba tsohileng bao A neng a e-na le bona ho Eèna. Joale ebe ntoa e tla lula joang?

333 Jesu o itse, "Ea lumelang ho 'Na, leha a shoele, o tla phela." O itse, "Ekare ha u lumela ho 'Na, leha u—u shoele, u tla phela. 'Me ea phelang 'me a lumela ho 'Na a ke ke a shoa le ka mohla." Hape, O itse, "Ea lumelang ho 'Na . . . O tla mo fa Bophelo Bosafeleng, ho mo tsoa matsatsing a bofelo." Leo ke Lengolo la Hae la pallo.

334 Satane ke enoa a e tla, ka likhutlo tse 'ne tsohle tsa lefatše, ka Maprotestanta le ka Makatolike a hae—a hae, le bohle 'moho, ba hoantela holimo hantle Ntoeng ea Meggidone. Ho lokile.

335 Le Jesu ke enoa a e tla, ho theoaha Leholimōng, ka bahalaleli ba tsositsoeng, Lentsoe le nètēfalitsoeng.

336 Ke itse, efèla ha Molimo o bua, kapa a u roma, O a . . . O—O tšehetsa seo u se buang. Ua bona? Lemoha, haeba u le lenqosa le tsoang Leholimōng, ke moo Leholimō lohle le u tšehetsang. 'Me Leholimō le entsoe ka Lentsoe. Uh-huh.

337 Lemoha, joale, O tla ka bahalaleli ba tsositsoeng, ho nètēfatsa hore Lentsoe la Hae le nèpahetse.

338 Ka baka leo Satane o a tseba, ke hona, hore likoti tse tebileng li mo emetse. Ua bona? Oh, khili! Nakong eo, lefu le kaletseng pere e tšehla, tumeloana e tsoakiloeng le mekhatlo ea bolumeli, le ho mo sala morao, oh, khili, ho ea karohanong ea Bosafeleng hole le Molimo. Ke hona moo a kaletseng a ba isa teng, karohanong ea Bosafeleng.

Krete o kaletse o isitse Kereke ea Hae hantle Khanyeng, tsohong.

339 Lemoha temana ea 8 joale, hantle feela . . . karolo ea ho qetela ea temana ea 8, re sa koala, ua bona.

. . . *ba fuoa matla . . .*

340 Ke bo mong "bona"? Ua bona? Ho lokile. Antikreste, ea bitsoang "Lefu." "Lihele li latetse." Sheba leano la hae la lintlha tse 'ne.

341 Antikreste, pere e tsoeu; o bolaea ka moea, ka ho ba antikreste; polao ea moea.

342 Khetlo la bobeli, pere e khunong; e bolaea ka lerumo; matla a lipolotiki, ha kereke le 'muso li kopana.

343 Pere e ntšo; meea, mohlala a fanang ka thuto ea hae, 'me o entse mono ka bohlola ba hae bo bongata. 'Me a lekanya lijo tsa bona, ka e . . . ho rekisa ntho ea bona . . . seo ba se nyehelang bakeng la lijo, ka sekala, le didenare, le lintho tse joalo.

344 Labone, pere e tšehla; karohano ea Bosafeleng hole le Molimo. Hape, 'ne, ua bona. Oh, khili!

Ho bokoe Molimo!

345 Joale, qetellong, mona ho koaleng. Ho bao . . . Na le na le . . . Ke tlotse nako, empa na le ka nkhethele metsotso e meng e leshome? [Phutheho e re, "Amen."—Mong.] Ke fumane mehala e mengata, kajeno, mabapi—mabapi le ho bua ha ka mona.

346 Bohlanga bo bongata bo qalile, mabapi le Elia, ho fihlela ho feela e le . . . E—e otlakile ho isa lefung. 'Me feela u ka . . . Be, e reng feela . . . Feela Molimo a nthuse ho le thusa ho bona seo ke se shebileng. Le tla etsa joalo? Ha re lekeng joalo, ua bona.

347 Joale ke ena, ho koaleng, ho bao ba sa lumeleng hore moromuoa ho mongoaha oa kereke ke moporofeta Elia, monna ea tlotsitsoeng ka mokhoa oo.

348 Ka mora lefu . . . Shebang. Ka mora lefu, la mongoaha oa kereke ena ea ho qetela . . . Joale, lemoha se hlahileng, ua bona. Ka mora lefu, litopo tsa bona li rusulloa ke libatana tse hlaha. Le tseba seo. Joale, hoo ke 'nete. Le ea bona e joalo, ba futsa papiso ea Jesebele.

349 Joale phetla Tšenolo 2:18 le 20. Kea kholoa re le phetlile metsotso e 'maloa e fetileng feela. Ha rea etsa? Yaa, kea kholoa re sa tsoa le phetla. Ke ne ke le ngotse fatše mona ba keng sa ho hong . . . E. Mehlang ea boitšoaro bo bolileng, ho ne ho le joalo. Na le bona malulo a mehlang eo, kamoo Jesebele a neng a kene. Joale, Jesebele ke likereke, kereke ena ea sejoale kajeno; e seng Monyaluoa, joale. Jesebele, ka hara Testamente ea Khale, ke papiso ea kereke kajeno, ho latela Lentsoe la Molimo, la Tšenolo 2:18, 20.

. . . u lumella Jesebele mosali eo, ea itheileng moporofeta, . . .

350 Ua bona? Na ho joalo? [Phutheho e re, "Amen."—Mong.] Joale, ho bapisitsoe Jesebele ka ho phethahala. Joale, ea pele . . .

351 Re ka le fa Lengolo ka mora Lengolo, ua bona, le reng mongoaha oa ho qetela ke Molaetsa oa boprofeta ho Kereke, ho biletse morao Lentsoeng la mantlha. Joale eelloang. Na ho joalo? [Phutheho e re, "Amen."—Mong.] Malakia 4 e boletse joalo, le a mang, Tšenolo 10:7, le ho thehela tlase. Ua bona? Jesu ka Seqo o e boletse pele, tlase, tlase, tlase. "Joaloka matsatsing a Lota," le joalo ka mokhoa oo, le ho theoha. E lula e thehela fatše feela.

352 Jesebele ke papiso ea kereke ea mehla ea kajeno hobane Katolike le Protestanta li tlamahane 'moho hona joale. Mono—mono ha ho mokhoa oa ho e koekoetla. Bobeli ba tsona ke mekhatlo ea bolumeli, ka hona feela—ka hona feela ke 'mè le khaitseli, ke phetho. Ba pheha khang ba ngangisana, empa ke ntho e le 'ngoe, ke lihlola tse peli. Joale, ha ke bue ke iqalla eona. Ke ntse ke e qotsa e tsoa ho HO RIALO MORENA. Ua bona? Ho lokile.

353 Joale rea elelloa, ho bolaoa ka taelo ea Molimo, Jesebele o na etsoe joalo, o ne a bolaoe kahobane Molimo a theoletse Jehu mono ea laetseng hore a lihelo e ka sefesetere, le ho bolaea Jesebele. 'Me lintja li jele nama ea hae, (na ho joalo?) Jesebele ka seqo. [Phutheho e re, "Amen."—Mong.] Akabe, morena oa hae, hlooho; lintja li ne li nyetse mali a hae, ho latela bolepi ba Elia oa pele. Le bona moo re habileng, ha ke re?

354 Hobaneng? Elia oa pele e be e le mokhesuo, oa likereke. 'Me Jesebele le Akabe e ne e le hlooho ea likereke tseo, kereke le 'muso, ka setlamo. 'Me Elisha o hlanoletse Akabe libe tsa hae, a laela kereke eohle ho khutlela morao Lentsoeng la mannete.

355 Haeba e se hantle seo Elia oa bobeli a loketseng ho se etsa mohla a etelang kereke ena letsatsing lena, "ho busetsa Tumelo ea mantlha"! Ha ke bone kamoo u ka monyohang ho Eona. Ke hantle. Ho khutlela morao Lentsoeng la mannete! Ke hantle.

356 Joale ha u batla ho bona mebele ea bona, ha re phetleng mona ho Tšenolo 19, hoba—hoba ba hlajoe ke Lentsoe. Joale, Lentsoe le tliš'o ba bolaea. Lea e tseba. Ho lokile. Joale le shebe 'me le bone se etsahalang mohla Krete a Tlang, ho Tšenolo 19, ho qala ka temana ea 17.

Ka bona lengeloi le leng le emeng letsatsing; . . .

357 Joale, mono ke hantle ka morao, le shebe ka mona, "Me seaparo sa Hae se takiloe ka mali. 'Me O bitsoa MORENA OA MARENA, LE 'MUSI OA 'MUSI." Temaneng ea 13, "O bitsoa Lentsoe la Molimo." Ua bona? Joale, mona Ke, "MORENA OA MORENA, LE 'MUSI OA BABUSI."

Ka bona lengeloi. . .

358 Joale sheba. O a tsoepele.

Sabole e bohale e tsoa molomong oa hae, a tle a otle lichaba nka eona: . . .

359 "Molomong oa Hae," joaloka ho tloha molomong oa Molimo ho ea molomong oa Moshe. Ua bona?

. . . o tla li alosa ka lere la tšepe: . . . ea tla hata sehatelyong—hatella sa veine ea bohale ea khalefo ea Molimo o Matlaohle.

'Me o na le lebitso le ngolioeng seaparong sa hae. . . seropeng sa hae le reng, MORENA OA MORENA, LE 'MUSI OA BABUSI.

Ka bona lengeloi le leng . . .

360 Joale sheba. Joale O a tla, o a otlā. O otlā mang? Jesebele le Akabe oa hae, moporofeta oa bohata.

Ka bona lengeloi le leng le emeng letsatsing; le hooa ka lentsoe le phahamileng, hooeletsā linonyana tsohle tsa sebaka sa leholimō, Tloong le phuthehele teng moketeng oa Molimo o moholo;

361 O ba fepa libatana le linonyana. Joale sheba ka mona khaolong e 'ngoe mona, ea Buka ea Tšenolo. 'Me, motsotso feela, "Ho bolaea ka sabole, le lefu, le ka libatana tsa lefatše." Ua bona? Kereke ea Jesebele, 'mele (ka sebele) oa eona, o tla jeoa ke linonyana le libatana tsa lefatše. Hantle joaloka Akabe le Jesebele, ka nama, le bona ba tla etsoa joalo, ka tšobotsi ea moea, kereke. Na le bona seo ke se boelang? [Phutheho e re, "Amen."—Mong.] Ho lokile.

362 BoElia . . . Oh! Elia e ne e le moporofeta mehleng ea Akabe le Jesebele, ka tlhaho. 'Me o tšepisitsoe ho etsa ntho e tšoanang, ho latela HO RIALO MORENA, ka hara Lentsoe, ho Jesebele, ka moea; tšebeletso ea hae ka sebopeho sa Moea.

363 Sheba. Elia, leha koana, letsatsing la hae, a kile a nêtefatsoa ka ho totobala le ka ho hlaka, o sitiloe ho ba khutlisetsa Lentsoeng. Na ho joalo? Leha koana, Elia a lekile, ka sohle. O entse sohle. O—o ba bontšitse lipontšo le meeka; 'me ba mo jele litšeho sefahlamahlo. Ba tla etsa joalo ka semoea mona, ua bona. O sitiloe ho ba khutlisetsa Lentsoeng. Hara limilione . . .

364 Mamela sena, kereke, ka kelo hloko joale, uena ea batlang a ferekane tabeng ena.

365 Hara limilione lefatšeng, matsatsing a Elia, mohla Jesebele le Akabe ba ne ba busa, ka—ka papiso ea papiso-maleba kajeno; lefatšeng lohle, ho bolokehile makholo a supileng feela, ka therō ea Elia. Na ho joalo? Ke eona hantle.

366 Sheba, esita le Elia ha a tseba e mong oa bao ba neng ba le joalo. O hopotse a bolokehile a inotšī, ho fihlela Molimo a senola e 'ngoe ea Litiiso a mo bontša sephiri se ka hara Buka, hore O ne a ipoloketse makholo a supileng a sa kang a khumamela litumeloana tseo tsa bona. Eitse ha Molimo a manollela Elia Buka ea Hae, ho itsoe, "Joale bea butle motsotso, mora. Ke ipoloketse makholo a supileng a khohlelitsoeng hohle, ka ntle mane, mabitso a bona a ngotsoe Bukeng esale ho theoa lefatše. Ke ba Ka." Whew! Molimo oa manolla Litiiso.

367 Ke ka baka leo ke hopolang Johanne a hoelelitse haholo bosiu bo bong. E ka ba o bone lebitso la hae Mono, u a bona. Ua bona?

Tsatsi le leng Molimo oa manolla . . .

368 Elisha, o ne a rerile. A entse sohle, 'me—'me—'me a rerile a tšolotse pelō ea hae. A entse eng le eng eo a e khonneng, le joale ba mo "tjolietsa," ba mo bitsa eng le eng, 'me ha thoe, "Ke uena motso oa ntho ena eohle. U moloi. U moferekanyi le mothapo oa bothata bona bohle. U molato," le ntho eohle joalo. A 'molella ntho eohle. Jesebele a leka ho mo khaola hlooho, le ntho eohle. Ke hantle. Mang le mang keha a eme khahlano le eena.

369 'Me o itse, "Morena, ke entse hohle hoo, sohle seo U ntaetseng sona! Ke ile ka tsepama Lentsoeng la Hao hantle. Enere ha U mpoella taba, ke hlokile tšabo. Ke tsoile ka kena hantle ka pela sefahleho sa morena, le ntho eohle, ka ba bolella, 'HO RIALO MORENA.' 'Me ha U eso mpoelle letho, le 'na ha ke eso ba bolelle letho, haese se hlahlileng. 'Me joale ke 'na enoa, ke setse ke le mong, sehlopheng sohle. Ho setse 'na feela, 'me ba leka ho mpolaea."

370 Molimo oa re, "Ke tla manolla e 'ngoe ea Litiiso ho u bontša ntho e 'ngoe." A re, "Ua tseba, ke ipoloketse ba makholo a supileng morao mane, ba sa kang ba khumama ka lengole. . . ho ingolisa litumeloaneng tseo le joale, mekhatlo ea bolumeli. Ho setse makholo a supileng a itokiselitseng Hloibilo, ua bona." Oh! Oh! A rialo ho moporofeta oa Hae, eo A mo senolelang Lentsoe la Hae, ua bona, hohle Lengolong. "Ke na le mabitso a makholo a supileng a itokisitseng le joale, ho tsoa molokong ona; makholo a supileng a bona. Ha ba ka ba khumamela letho ka mangole a bona" (hola nka e bua letsatsing lena) "mekhatlo ea borapeli, le ho tsoa ba haretsoe ke litumeloana, ka hare ho bona."

371 Le bona seo ke se bolelang? Ka hona, e tlamehile joalo feela. E loketse joalo. 'Me ke ho latela Lentsoe. Etlare ha monna a fihla temeng, e tla be e le moporofeta. Ka ho tiea hakaalo kaha ke eme sefaleng sena. Ua bona? 'Me o tla tsepama Lentsoeng leo hantle. A ke ke a reka tumeloana ea motho kapa le letho le sele. Ke hantle. E tla ba mofuta oa monna ea thabelang meru, joaloka Elisha mohlang oo, o. . . le joaloka ha Johanne a tlile. O tla—o tla hloea basali, (moshanyana!) basali ba mekhoha e bolileng! Whew! Moshanyana, o tla ba hatikela holimo! Elia o entse joalo, le Johanne hape. Ua bona? Ua bona? 'Me o tla be a tsepame le Lentsoeng leo hantle. O tla be—be a eme khahlano le mekhatlo. Mekhatlo? "Le se ke la nahana ka ho lōna la re, 'Abrahama ke ntata rōna,' hoba ke re Molimo a ka tsoetsa Abrahama bana le ka majoe ana." Ua bona? Ehlile e entsoe.

372 Joale, ke lōna bao, metsoalle. Tiiso ea Bone ke ena, e manolotsoe. 'Me bakalli ba lipere tse 'ne ba senotsoe, ho latela bokhoni ba tsebo ea ka. Joale, sena sohle ke sona se hlahlileng holima lefatše.

373 Tiiso e hlahlamang, rea bona, e Leholimōng, moo meea e leng tlasa aletare.

374 Joale, ho koaleng feela, ke batla bua tse 'maloa tsena... mantsoe a 'maloa feela, hantle mona, kea ngotse fatše mona. Re tlotse mohlomong, mabapi le Litiiso tse 'ne tsena, Litiiso tsa pele tse 'ne.

375 Joale, hosane bosiu, re—re fetola tema, ho tloha linthong tse etsahalang lefatšeng. O lelala holimo mona 'me o bona meea tlasa aletare, ba entsoeng sehlabelo, aletare.

Bosiu bo hlahlamang, kahlolo e a otlā.

376 'Me bosiu ba bone, kapa bosiu ba ho qetela, Sontaha bosiu, ha ke tsebe eng. Ha ke tsebe na ebe tse ling tsena li bolela'ng. Ke li balile feela, joaloka lōna. Empa, "Eaba ho khutsa halofo ea hora," empa e teng ntho e hlahlileng. Ke Mo shebeletse ho E senola. O tla etsa joalo. Ke khotsoe hoba O tla e etsa.

377 Re ile ra tlameha ho haola, libaka tse fapaneng tsa Lengolo, ho Tšenolo 19, ho bontša hore ho Tla ha Kreste ho tla hlaba antikreste. Ke ka baka leo ke ileng ka tlameha ho tlohela ana, ho tsoara litemana tse peli tseo feela. Ke bile ka tlameha ho ea likarolong tse fapaneng tsa Mangolo, ho kholisa lintho tsena. Ke ka baka leo ke ileng ho Tšenolo 19, ho bontša qetello ea antikreste, e tla ba hlabo; ea Kreste, mohla A tlang, O tla hlaba antikreste.

378 Ho Tšenolo 10, ho bontša hobane Molaetsa oa lengeloi la bosupa e tla be e le motho, matsatsing ana a ho qetela, ea tlotsoeng ke Molimo ho phethisa tšebeletso e tsoanang le ea moporofeta Elia hantle, joaloka ha e tšepisitsoe ho Malakia 4, ho senola Lentsoe la makhonthe (mantlha) la Molimo ho moloko ona, Lentsoe la Molimo la mantlha ho moloko ona. Joaloka ha a sebelitse ho Jesebele ka tlhaho, le monna enoa o tla sebetsa joalo ho Jesebele ka moea, likereke tsa mekhatlo ea bolumeli. Ke bile ka tlameha ho ea khaolong ea 7...khaolo ea 10, 1 ho fihla ho 7, ho kholisa hoba e ne e lokile. Le koana ho Malakia, le Amose, le joalo, ho kholisa taba eo.

379 Elia e ne e le moporofeta ea porofetileng 'me a khalema Jesebele, molokong o itseng oo.

380 'Me Elia ha a ka a shoa le ka mohla. Ehlile ha a etsa joalo. O boetse a hlaha, lilemo tse batlileng ho ba makholo a robeli hamorao, pela Jesu Kreste, holima Thaba ea Phetholelo. Ha a shoa.

381 Joale, re fumana Moea oa hae o tla tlotso monna, ho latela tšepiso ea Molimo, matsatsing a ho qetela; ka tšepiso ea ho sebetsa ka ho tsoana ho moea oa Jesebele, joaloka ha ho sebelitsoe ho Jesebele ka tlhaho, mongoaheng oa ho qetela.

382 Ke ka baka leo ke—ke ileng hangata hakana Bibeleng, ho e kholisa, potso e se be teng mohopolong oa hao. Haeba e le teng, u ka ntsebisa. Be, 'ngolle lengolo kapa eona ntlhanyana.

383 'Me e tlamahana ka ho phethahala hakana, esita le ho fihla ho libatana tse senyang mebele ea bona letsatsing la ho qetela, ho e felisa joaloka ha li entse mohlang oo.

384 Ho latela bokhoni ba tšenolo ea ka, eo ke e filoeng ke Molimo le e boletseng pele hore e tla etsahala, ena ke 'Nete ea bakalli ba lipere tse 'ne, ho latela bokhoni ba tsebo ea ka.

385 Le nahanang ka Jesu? [Phutheho e a nyakalla—Mong.]

Kea mo rata, ke Mo rata
Hoba A nthatile pele
Le ho lefella poloko ea ka
Fateng sa Kalvari.

386 Joale le hopole, ha se ka... (Ke eona; tsoelapeleng, ho hotle.) Ha se ka maikutlo a mabe khahlano le batho ba ka hara mokhatlo ofe! Hobane, Molimo o ipoloketse bana ka hara tsamaiso ea Katolike. O ipoloketse bana ka hara tsamaiso ea Methodise. O ipoloketse bana ka hara tsamaiso ea Baptise. Ba bakae bao, litsamaiso tseo tsohle tse fapaneng, tse emetsoeng mona bosiu bona, ba kileng ba tsoa mohla le ne le bona Leseli? Ha re boneng matsoho a lōna. [Phutheho e re, "Amen."—Mong.] Joale, le hopole, batho ba tšoanang le lōna ba teng ka ntle mane. Empa tsamaiso ke eona e bolaeang, ua bona. Ba qhojoa ke moea o antikreste ho fihlela ba hana ho utloa 'Nete ho hang.

387 'Me na le sa hopola bosiu bo bong, mohla ha ke bua ka ho tšoaea? Enere ha monna a hana pitso ea jubile, 'me a hana ho lokoloha, o ne a qhojoa a isoa thupeng 'me tsebe ea hae e tsoauoa ka tsenene. U utloa ka tsebe. "'Me tumelo e tla ka kutlo." 'Me haeba a E utloa, 'me a hana ho amohela tokoloho ea hae, ke moo a... o tla tlameha ho sebeletsa mong'a hae oa mokhatlo oa bolumeli bophelo ba hae bohle. Amen.

388 Oh! Oh, khili! Na ha A babatsehe? [Phutheho e re, "Amen."—Mong.]

Kea Mo rata, ke...

Ha re phahamiseng matsoho a rōna joale 'me re Mo roriseng.

Hoba A nthatile pele (Thoriso!)
Le ho lefella poloko ea ka
Fateng sa Kalvari.

389 [Moena Branham o qala a binela *Kea Mo Rata* ka marameng—Mong.] Joale inamisang lihlooho tsa lōna feela, 'me re Mo roriseng joale re sa e binela ka marameng. [Moena Branham o tsoelapele ho binela *Kea Mo Rata* ka marameng.]

390 Morena, re leboha hakakang! Ke thabile haholo, Morena, ke nyakaletse bakeng sa Hao le bakeng sa batho ba Hao. Oho Morena, U lefeletse poloko ea rōna holima Kalvari. Re e amohela ka thabo, Morena.

³⁹¹ Joale re leke, Morena, ka Moea oa Hao. Ekare ha bokhopo bo ahile hara rōna, Morena, ho se lumele hofe hoa Lentsoe, batho bafe mona, Ntate, ba sa tlo omèla pallo efe le efe ea Molimo ka “amen”; Moea o Halalelang a theohe hona joale, Mokalli oa pere e tšoeu, nakong eo Moea oa Hae, Moea oa Kreste, pontšeng ea antikreste, le ho bitsa ba Hae ka Sebele. Ba biletse ka ntle, Morena.

³⁹² Ba ke ba bake hona joale, ba akōfe ho tla ho Uena le ho tlatsoa ka Ole le veine; le ho fetoloa ba tsoa kobong eo ea mokhatlo oa bolumeli ea lefu ea Kaine, ho ea inkela kobo e bosoeu ba lehloa ea Bophelo Bosafeleng, e abjoang ke Monyali. 'Me ba tla kenela Selallo sa Lenyalo tsatsi le leng, ka Lentsoe le nètetalitsoeng la tsoho. Aba sena, Morena. Lekola lipelō, batho ba sa U emetse. Ka Lebitso la Jesu!

[Moena Branham o qala a binela *Kea Mo Rata* ka marameng—Mong.]

³⁹³ Joale, lekola pelō ea hao feela, moena oa ka, khaitseli ea ka, motsoalle oa ka. Ke lutse le lōna nako e telele. Mona e batlile ho ba lilemo tse mashome a mararō le metso e merarō. Na nkile ka le bolella taba ka Lebitso la Morena e sa kang ea hlaha? [Phutheho e re, “Che.”—Mong.] Batla Kreste joale u sa fuee monyetla oa ho etsa joalo. E ka fihla ka tšohanyetso eo u ka sitoang ho e etsa. Ua bona? A ka tšoha a tloha setulong, nako efe, bobuelling ba Hae; joale u ka hooeletsa ka pelō eohle ea hao, u ka tla fatše, u ka bua ka maleme, u ka mathela holimo-le-tlase holima fuluru, u ka etsa sohle seo u se batlileng, ua ingolisa le kereke efe le efe lefatšeng, ha ho letho, ha ho sa na bolichi bakeng sa libe tsa hao—tsa hao. Ebe u etsa'ng mohlang oo, u hokae mohlang oo?

³⁹⁴ Be, kea lumela, ka pelō ea ka eohle, hoba setulo se sa butsoe. Kea lumela hoba O sa lutse Teroneng ea Molimo. Empa hang hona joale O se a tla phahama, ho hlaha, ho hlahlēla tseko ea seo A se lopolotseng. O ntse a phethisa mosebetsi oa Molopolli oa Lesika, mohla Ruthe a ntseng a eme.

³⁹⁵ Empa hang, u a tseba, hoba Boase a qete ho phethisa mosebetsi oa lesika le haufi, eaba o a fihla a hlahlēla tseko ea leruo la hae. 'Me Bibe e Mo tlalehile a entse joalo hantle, “O tllile a nka Buka.” Bobuelli bo felile; O theohile Teroneng; ha ho sa na Mali holima Setulo sa Mohau. 'Me joale ke'ng? Setulo sa Kahlolo.

³⁹⁶ Le se ke la lumella ho thoe, le leng la matsatsi ana, “Ke itse Hloibilo e tlameha ho fihla.” 'Me Puo e tla bua, e arabela, “E se e fetile.” Molimo a le thuse!

Joale ha re inamiseng lihlooho tsa rōna.

³⁹⁷ Moena Neville, tloo, u ba qhalanye kapa e bang u tlameha ho etsa'ng. Molimo a le hlohonolofatse, hofihlela hosane bosiu. 

TŠENOLO EA LITIISO TSE SUPILENG
(The Revelation Of The Seven Seals)

Melaetsa ena e leshome e reriloeng ke Moena William Marrion Branham e hlahisitsoe ka Senyese mane ka Hlakubele 17 ho haola ka Hlakubele 24, 1963, mane Branham Tabernakele, Jeffersonville, Indiana, U.S.A., eaba Tsii Ea Bosupa e ntshetsoa ka Hlakubele 25 mane Sherwood Motel. Ka mora ho fumana liteipi tsa mantlha tse hlakileng le tse sekolokoto, Melaetsa ena ea boela ea raloa ka tšobotsi ea joale. Boikhathato bohle bo entsoe ho fallisetsa Molaetsa o builoeng ho tsoa khatisong ea teipi ea makenete ho isoa leqepheng le tlantsoeng. Phetolelo ena ea Sesotho sa Boroa e ngotsoe mona e sa khaoloa ke ba Voice Of God Recordings.

Litokelo tshle bukeng ena li babaletsoe. Buka ena e ke ke ea rekisoa, ea tlangoa bocha, ea fetoleloa lipuong lisele, kapa ea sebelisoa ho qela matlote ntle le tumello e chaeletsoeng ka lengolo ea William Marrion Branham Evangelical Association.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org